



10022

松風草堂謝琴聯吟目錄

原唱

古歛 吳景潮 素江七律四首

和章

會稽 姚 樟 香林七律四首

餘姚 岑振祖 鏡西七律四首

錢塘 王 辰 次農七律四首

仁和 錢 塋 古坤七律四首

海寧 張 駿 荔園七律二首

青浦 陳 琮 愛筠七律四首

仁和 孫麗彬 曼羅七律四首

錢塘 王寶傳 柳湖七律二首

仁和 趙 銘 篠珊七律四首

大興 陳三立 樹堂七律四首集唐

錢塘 張如海 又蘇七律四首


太倉 王應鈞 湘帆五律二首

秀水 馬景腴 少詹七律四首

浦江 陳 郁 雪樵七律四首

浦江 張汝方 臥雲七律四首

浦江 項振元 西磯七律四首



浦江樓鴻應 書田七律四首

會稽姚汝晉 梅垞七律四首

會稽姚汝安 禹門七律二首

會稽姚汝賢 伴阮七律二首

長洲鄒傳果 確堂七律二首

會稽趙汝諧 九蘭七律四首

錢塘王振綱 尺魚七律四首

會稽茹壽英 湘雲七律四首

會稽陳玉堂 梅查七律四首

歙縣汪燁 坤甫七律四首又七律二首

謝琴聯吟目錄

歙縣黃振彩 亦兼七律四首

歙縣汪效伯 環峯七律四首

古歙蕭國祥 琳邨七律二首

歙縣潘世鏞 東甫七律四首

歙縣方掌珍 伯珠七律四首

秀水王楨 獅巖七律四首

慈谿周茂芬 蕙塘七律四首

慈谿周茂梧 琴樵五律二首又七律二首

歙縣汪熊 星六七律四首

福鼎林滋秀 紉秋七律四首

山陰 馮 淳 靜軒七律四首

元和 沈欽曾 筠坡七律四首

歙縣 吳應奎 星齋七律四首
有引

古絳 梁衍緒 竹雲七律四首

錢塘 虞 錦 春江七律四首

富陽 王義祖 榆圃七律四首

寧海 漢 兆 伴霞七律四首
釋氏

歙縣 鮑桂星 覺生七律四首

錢塘 陳松生 芝亭七律二首

古歙 吳 安 遜齋七律二首

海鹽 俞 浩 四香七律二首
謝琴聯吟目錄

吳江 仲 湘 蘭修七律四首

吳江 金作霖 甘叔七律四首倒次韻

吳縣 黃丕烈 復翁七律四首

歙縣 鮑桂星 覺生七律四首癸未冬又作

江陰 沙楷堂 研山七律四首

古歙 張 鏞 松溪七律四首又七律二首
五律二首

浦江 戴 聰 春塘七律四首

仁和 沈鏞彪 聽篁七律四首

歙縣 曹鳴鑾 穀生七律四首

平湖 胡金勝 東井七律四首

歙縣 江德里 鄭門七律四首

仁和 葉華春 蘭伯七律四首

餘杭 楊行簡 少白七律四首又五律二首又七律二首

仁和 胡敬 書農七律四首又感懷四首

越郡 高鳳臺 越垞七律四首

蕭山 陸幾 次山七律四首

錢塘 夏之盛 松如七律四首

仁和 張乃宋 麗生七律六首又五律二首

淳安 吳樹金 雙園七律四首

鹽官 朱蔚 子藍七律四首

海昌 鄒鵬 子翼七律四首

歙縣 潘遵源 養泉七律四首

歙縣 方金昱 午橋七律四首并引

蕭山 陸秉銓 鞠生七律四首

蕭山 郭振聲 金門七律四首

歙縣 潘世傑 菊莊七律四首

松風草堂謝琴詩鈔聯吟卷首

余得宋謝文節公遺琴自馬秋藥太常首倡一詩
迨後交相投贈名作如林極一時韻事遂付剞劂
俾傳不朽比來又得四方賢士大夫郵筒惠寄古
近體詩若干首連朝雜誦擊節不置因不揣俚鄙
率成七律四首意興所寄聊步後塵自知遠愧諸
君子多矣嘉慶丙子九秋古歛吳景潮識

倉卒攜琴走信州悲宮怨徵幾時休師夔兵下風雷勢
賈相堂開蟋蟀秋西去一揮瀛國淚南歸空訴少師愁
推絃暫緩須臾死祇戀慈烏正白頭

謝琴詩鈔聯吟

松風草堂

三首七九

七條寒玉韻淒清中有孤臣恨不平牛馬任呼辭故相
妻孥早誓殉危城橋亭日度垂簾影茶坂風傳怨羽聲
贏得琴心在流水豈容薦剗更移情

南渡官家事事非抱琴人已變麻衣催來江上潮無信
彈向冬青葉亂飛朱鳥罷歌臯羽泣黃冠相餞水雲歸
可憐一曲終蕭寺同調西山賦采薇

半壁河山久陸沈天教留得謝公琴憫忠寂寞有餘響
柴市蒼涼空好音一榻松風應又調六陵秋雨此傷心
依稀似聽桐君語絃外淒其怨不禁

再賦謝文節公遺琴次吳素江明經原韻

自抱鳴琴走冀州琴隨人去恨難休六陵殘骨遺長
淚三尺孤桐遠寺秋越海悲風龍種盡燕山涼月鶴
聲愁可憐猶是萇宏血灑向桑乾古渡頭
堂上松風徹夜清冰絃彈處怒濤平精魂欲悟三生
石遺恨寧忘五國城餌敵黃柑真似戲渡江白雁已
聞聲黍離麥秀孤臣痛不是成連海上情
七年後死未云非柴市猶留贊帶衣正氣本同天日
皦忠魂還逐水雲飛紅羊劫換悲難挽朱鳥歌殘去
不歸剔盡苔花銘字古摩挲爲薦故山薇

謝琴詩鈔聯吟

二

松風草堂

三百六十三

穿雲出土又銷沈人代茫茫贖此琴五百年來眞浩
劫三千里外有知音夢回香國藤蘿月修到梅花鐵
石心好古恰逢吳季子七條絃上思難禁

素江先生蓄謝文節公遺琴徵詩浙東曾賦長
古應命已刻集中旋承寄示謝琴詩文鈔諸體
美備并讀自題卷後四律感古情深超羣筆健
爰次原韻奉酬一琴作合半而未通而詩文往
還數數見我輩神交不在形迹間也

餘姚

岑振祖 鏡西

拓得琴圖寄越州郵筒徵詠幾曾休北征響絕三千

里南渡八亡五百秋正氣有歌同調苦孤臣無策畔
牢愁當年一曲憑誰聽腸斷朝天橋上頭

歷劫難磨得氣清好將桐梓訴生平飛鴻目送歸南
國化鶴魂來認敵城西子湖頭重洗面松風堂上靜
聞聲遙知譜就拘幽操猶似羈囚旅館情

逼上徵車事已非冰絃相對裏麻衣風號大漠黃雲
卷潮落空江白雁飛獨調祇傳亡國恨囊骸仍作故
鄉歸夜深或恐然立一勺清泉薦蕨薇

魚雁書傳詎杳沈神交作合藉瑤琴六陵衰草迷荒
塚三尺枯桐賸楚音唐石圍湖悲往事吳山越水結
同心渡江便擬親風雅移我深情思不禁

謝琴詩鈔聯吟

三

松風草堂

三首全

和韻

錢塘王辰次農

失計當年棄沐州江山牛角一時休正聲未絕廣陵
散舊物寧傳蕉氏秋朱鳥歌殘空咽恨黃冠人去祇
羈愁天涯賸有橋亭客忍對號鍾雪滿頭
撫罷長清更短清棄家張祿恨難平捫心尚戀冬青
樹危卵誰支斗大城不意紙錢真是讖可憐靡玉寂
無聲蒼茫身世悲同調一榻青原共此情

阿刺來聞世已非徵車北去涕霑衣慈烏事了終甘
死驚鶴身孤早倦飛大節祇追柴市後忠魂應感孝

娥歸卽今絃上悲風起猶似聲聲怨蕨薇
鐵函書已付浮沈歷劫猶留斷軫琴亡國師涓原絕
響登臺臯羽定知音一文聲價千秋值半死枯桐萬
古心聞道延陵能識曲松風颯颯思難禁

仁和錢莖 古坤

寒雲莽莽遍諸州半壁河山指顧休盾樣淪亡彝器
盡履霜淒斷故宮秋勤王未遂平生願望帝徒增幾
許愁迹跡建陽緣底事號鍾罷撫一低頭

媿殺僉名謝道清孤臣此處恨難平六陵有客能遷
骨一戰何人敢背城苦憶穿雲成絕調驚聞舞鵲換

謝琴詩鈔聯吟

四

松風草堂

三見上

新聲壯懷擬向桐君訴撥到宮絃倍愴情

絕粒僧寮萬事非空留碧血染苔衣應龍夢斷嗟同
逝化鶴魂銷慄不飛往日降臣甘北向多年供奉早
南歸隨身縱有殘徽在誰與掀箚奏采薇

東南劫了海舟沈碩果天留謝氏琴馬月羊年悲故
國震餘浮磬浪知音調高流水難爲曲銘取重山合
有心一度摩挲一惆悵松風堂上悄寒禁

丁丑秋日素江先生寄示謝琴詩文鈔卽和令

嗣繼字世講原韻奉荅

海寧張駿 荔園

驚看桐梓製琴材手擲千金抱以來碎驗貞心猶似

鐵鑿經烈燄不成灰古人餓死夫何恨我輩題詩大

可哀曾為謝公感同調一帆秋雨訪西臺憶甲子秋停舟七里

瀧訪謝臯羽西臺

慨然挂劍有延陵懷古情深到窅冥馳譽五常眷認

白神交千里眼留青漫偷霓羽天邊曲遙寄松風閣

上聽安得黃山看雲海悲歌擊節訂杯銘樂則思舊熟則思歡

馮衍杯銘

和章

青浦陳琮愛筠

舊製流傳謝信州爨經兵燹不曾休相攜逋播三千

里閱歷滄桑五百秋燕市久埋塵土恨延陵重起古

謝琴詩鈔聯吟

五松風草堂四百零五

今愁東桐西梓留銘在十六成文鏤上頭

百琴堂裏一琴清彈徹孤忠似屈平琴苑載宣和殿百琴堂內有號

鍾琴為蘇長公十二琴之一楚辭云操伯牙之號鍾今挾秦箏而彈徵慷慨謫居興國

路淒涼賣卜建陽城憑將驚鶴摩霄志譜作飛鴻出

塞聲更有君家碎如意參軍晞髮是同情

羽換宮移跡已非雪花猶染謝莊衣茫茫身世世紅羊

劫黯黯烽烟白雁飛采石磯頭成絕響憫忠寺裏死

如歸闔門殉節應同調婦子荒山啜蕨薇夫人李氏攜二子匿

貴溪山中采草木而食元兵追至就俘遂自縊於獄史稱一門賢孝

誰云壞漆久埋沈合匹松風信國琴賸水殘山仍入

調梅花明月屬知音揮絃曾酒游民淚表墓空懷處
士心今日摩挲更惆悵稜稜正氣怨難禁

素江先生曾以謝文節公遺琴徵詩敬賦長歌
應教戊寅春正月遇先生於湯小眉之春風草
廬先生出所詠謝琴七律原唱四首見示捧誦
之下擊節嘆賞因不揣譎陋勉步後塵

仁和 孫麗彬 晏羅

目斷東西四百州用汪元量句人琴北去事全休揮來厓

水千層浪散作枯桐一片秋白雁叫殘江月冷水龍
吟徹海天愁六宮金粉無消息惆悵芙蓉閣上頭

謝琴詩鈔聯吟

六 松風草堂

三百六

麻衣草履劇淒清獨抱鳴琴怨未平三日不潮羅剎
岸六更僉表鳳凰城吟成采石悲唐石彈到宮聲變
徵聲回首家山風景異斷雲衰草不勝情

掘到穿雲事更非林唐義士淚沾衣六陵王氣和絃
絕一榻松風帶雨飛嬰杵孤忠嗟其往夷齊高節感
同歸遙知蕭寺燕山裏定操拘幽繼采薇

精忠手澤久埋沈至竟山靈護此琴苔蘚不侵遺絕
調滄桑幾歷遇知音刺舟可有成連志挂劍真同季
札心若值春秋花月夜松風堂上思難禁

素江詞伯家藏文節遺琴廣徵題詠哀然成集

茲又續刊聯吟一編因誦張荔園進士次繼宇
世長原韻二首不揣俚鄙學步追和惟冀賢喬
梓垂正焉

錢塘

王寶傳

柳湖

剔盡苔斑識異材當年冀北喜重來六陵荒草拋殘
骨三尺枯桐賸劫灰篆刻總留前代恨血痕都付後
人哀想因晞髮君家老依舊忠魂繞釣臺

鐵馬長驅入雁翎鯨波沃日晝冥冥愁揮瘴海魚龍
躍怒挾胥濤天地青信國事終絃獨鼓水雲人去曲
誰聽我來懷古松風閣盟手焚香讀舊銘

許雪香來遊安州攜謝琴詩文鈔一冊見貽并

謝琴詩鈔聯吟

七

松風草堂

索題句琴爲素江先生家藏卽次其自詠元韻

四首用質雪香兼柬素江是正時丁丑臘後五

日錄于吉陽署齋

仁和趙

銘篠珊

一編送響到安州懷想人琴感未休警枕乍生寒寺
夢枯桐忍聽故宮秋錢王泉柱同歸慨文相松風亦
並愁笑我無絃悽絕甚不成聲處獨搔頭

殘山賸水兩淒清不是嵇生譜太平雪甲霜戈摧玉
軫雲濤雨陣泣江城危絃尚繫君臣節別調應翻鐵
石聲遙想依齋涼月落滄桑一曲動哀情

反哺逃名計豈非徵車愁殺老萊衣占爻留硯塵難

染卻聘傳書字欲飛霹靂一聲雄且憤水雲齊唱痛
安歸盾形若許爲干櫓三捷歌應協采薇

六更聲斷夜沈沈百感蒼茫三尺琴桐梓直凌松柏
操馬牛誰識鳳鸞音恍聞嬰白存亡論幸得鍾牙慨
慕心我恨曲終人不見空懷故物思難禁

素江先生謝琴詩刻韻事流傳名作林立盥誦
元唱暨合壺聯吟諸作深情絲邈音節蒼涼固
容已兼擅二難不能復贅一字官齋稍暇振觸吟
懷爰集唐句四章卽依原韻奉和聊冀調換一
新未免衣成百衲爾

大興 陳三立 樹堂

謝琴詩鈔聯吟

八

松風草堂

其嗟王粲滯荊州塵網牽纏卒未休不見水雲應有
夢更無鷹隼與高秋會將白髮倚庭樹一任斜陽伴
客愁語少漸知琴思苦萬般人事五更頭

權德輿 白居易

溫庭筠 包佶

李商隱 盧綸

杜甫 韓偓

寒山木落月華清衰草茫茫雉堞平未道姓名童子
識早聞聲價滿京城故將別淚和鄉淚靜聽歌聲似
哭聲卜肆至今多寂寞煙塵一片正傷情

施肩吾 司空曙

朱灣

張籍

顧况 司空圖

身與浮雲無是非兵戈不見老萊衣何心更和陽春
奏颯沓仍隨秋雨飛萬事糾紛猶絕粒一辭林表不

知歸長嗟人與絃俱絕散髮行歌自采薇

杜甫

耿湜 李頎 杜甫 吳融 劉禹錫 秦系

子期師曠兩沈沈坐向松窗彈玉琴世上幾時曾好

古此中踪跡想知音空懷濟世安人略但有泉聲洗

我心欲待主人林上月江州涕淚恐難禁

李山甫 劉滄

李山甫 羅隱 劉禹錫 白居易 郎士元 杜甫

素江先生所刊謝琴詩鈔傳為韻事因誦賢侑

儷聯吟諸作卽次元韻

錢塘 張如海 又蘇

自繫南冠到薊州人琴渺渺怨難休殘徹淚濺孤臣

血稿木聲傳故國秋流水不彈興廢事危絃空繫古

謝琴詩鈔聯吟

九 松風草堂 三百七

今愁當年花假因成讖遍插琉璃已滿頭

黝然如立夢魂清應共文山訴不平豈啻勤王齊戮

力也曾募義作干城漢家龔勝追同轍晉代嵇康總

絕聲東海茫茫難問訊獨彈古調孰移情

蟋蟀堂開事日非漸移國祚涕沾衣紅羊劫後黃冠

逝白雪歌殘朱鳥飛同榜三仁如鼎立闔門殉節一

心歸自從古寺看碑後無復冰絲奏采薇

琴原一卷未浮沈不及孤忠遺此琴趙氏鷗波偏異

曲君家晞髮是知音倡隨韻叶聯新句靜好風期嗜

古心料得夜溼堂上奏雙調絃索思難禁

題謝文節公琴奉和素江先生令嗣繼宇世講

元韻卽請大教

太倉 王應鈞 湘帆

隻手難撐勢孤臣百結腸抱琴因避匿賣卜總淒涼
大義齊龔勝高風繼首陽一生忠孝在軌範託文章
操縵猶餘憾千秋浩氣存試彈南渡曲如返北征魂
曾歷紅羊劫還留碧血痕延陵好古士世守畀雲孫
謝文節公號鍾琴奉和素江吟長先生元韻卽
塵大雅之教

秀水

馬景昶 少詹

莽莽烽烟度信州團湖一潰勢全休忽聞玉柱揮殘
夜猶裹麻衣哭暮秋五國酸風懷舊恨六陵豐草結
新愁一腔熱血憑誰灑望斷匡山不盡頭

謝琴詩鈔聯吟

十

松風草堂

三百六十七

彈徹臣絃廉折清含商咀徵憤難平傷心海角支殘
局極目湖坪望故城驚鶴倦飛權避世慈烏反哺且
潛聲橋邊定譜思親操迸入哀絃無限情
過眼滄桑代已非斷紋深著紫苔衣建陽淚滴青琴
碎羅刹濤平白雁飛驛館尚憐瀛國在宮車早餞水
雲歸卽今操縵猶堪怨况復當時歌采薇

香凝簾幙晝沈沈梁案風清鼓此琴落指直侔冰雪
操轉絃又奏鳳鸞音吟來逸士千秋志譜出孤臣百
感心我欲登堂傾耳聽悲歌擊節恐難禁

步和謝文節公遺琴元韻四律錄呈素江先生

閣下誨定

浦江

陳

郁

雪樵

沿江察訪使江州誤薦師夔恨未休一角河山憑夕
照七絃風雨落清秋楚音嗚咽靈均泣越調淒涼莊
鳥愁若向錢塘還再鼓雪山驚起怒潮頭

也經攬轡矢澄清此日揮絃意不平塞北宮車悲去
國江南鼙鼓哭巡城一腔欲灑冰天血十指猶傳海
水聲龔勝當年曾絕粒遺書卻聘有同情

黍離迴首故宮非久脫宮袍換布衣賣卜亭前黃葉
落拘幽操裏白雲飛滔滔流水心遙寄杳杳征鴻目
送歸病榻有人還進藥可能當得故山薇

謝琴詩鈔聯吟

十一

松風草堂

殘徽斷軫久埋沈何處荒郊覓此琴神鬼護持留故
物山川高遠有遺音憑誰洗淨箏琶耳相與流連鐵
石心嗜古端推吳季子松風蕭瑟思難禁

奉和素江先生詠謝文節公遺琴元韻四首

浦江

張汝方

臥雲

大錯寧惟鑄六州團湖兵敗此生休七絃急雨橋亭
晚一曲西風唐石秋彌望更無天好戴羈栖猶有地
埋愁徵車自向燕山去何用梅花寄隴頭

寸膠難望濁河清片石難填大海平入衛徒聞徵信

國諭降又報失襄城軍來塞北皆生力鼓咽江南盡
死聲攜得焦桐行萬里拘幽操出不勝情

賣卜君平是尚非傷心世事泣沾衣庚申帝苦邊塵
走甲子門驚海水飛靡玉未能爲玉碎穿雲不復逐
雲歸由來遺物因人重千古歎歎曲采薇

目斷厓山海霧沈死生相殉有瑤琴西山義冢餐周
粟南國囚還作楚音但抱烏私酬白髮寧期青史照
丹心延陵此日摩挲處遙聽松風思不禁

奉和素江詞丈所詠謝文節公遺琴詩四章并

祈削政

浦江項振元西嶽

謝琴詩鈔聯吟

十二

松風草堂

三百六十五

一琴徵詠遍諸州好古延陵感未休舊物燕山來萬
里孤臣宋代足千秋撫絃聊作新聲弄別調猶含故
國愁北去雲帆經采石應彈血淚落船頭

冰絃彈處劇神清激響分明怨不平淮士雙刀空戰
馬呂軍一箭背孤城廣陵那使無遺譜阿刺焉教有
正聲水石松風塵外想須知不是此時情

賣卜逃名事豈非蕭條敝履與鶉衣驚聞戰鷁三千
退苦憶翔龍九五飛蘆葉寒江孤雁唳梅花明月旅
魂歸震餘靡玉都消歇畱得長歌是采薇

苔篆多時臥綠沈龜文忽爾出瑤琴當年信國原同

調曠世鍾期亦賞音桐梓長畱太古意松筠想見歲
寒心刺船海上何人可搥鼓雷門不我禁

奉和謝文節公遺琴原韻四首錄請素江先生

教正 浦江樓鴻應書田

陸沈久已歎神州唐石歸來世事休卜硯墨磨千點
淚號鍾絃迸七條秋傷心鼓角難消恨迴首笙歌易
感愁一自抱琴人北去故鄉目斷大刀頭
瀝血空懷沙漠清拊膺難鏜敵壕干笳吹越石雲中
壘笛怨睢陽月下城落指忽聽驚鶴唳歸魂猶撼怒
濤聲掀髯抵几當年事脈脈桐君識此情

謝琴詩鈔聯吟 松風草堂

夢裏魂來是也非同袍曾與詠無衣瀟瀟寒雨青原
宿渺渺空江白鴈飛忍背故人成獨活更思老母寄
當歸履霜從此收遺操彈出商聲曲采薇
土蝕苔侵響未沈品題標出冠諸琴廣陵散有羈臣
淚蕉氏秋原亡國音寧奏水仙移壯志肯將潞佛比
禪心松風堂上頻傳語對酒高歌意不禁

余自宦遊都門近接家書并謝琴詩文鈔一編

盥手讀之知爲新安吳素江先生得南宋謝文

節遺琴徵海內賢士大夫所作之詩也煌煌鉅

製觸目琳琅讀至五卷中見余大父暨大人諸

父諸作欣知一門吟興豪健小子不揣譎陋爰
和聯吟原韻四首率爾成章勉步後塵卽簡素
江先生是正

會稽

姚汝晉

梅堉

兵潰團湖失信州摩霄驚鶴幾曾休那堪臣妾僉名
日又是纍囚去國秋沙岸已無潮信至江干空抱雁
聲愁枯桐肯伴南冠繫特勒銘詞在上頭
卜卦橋亭硯水清垂簾未許學君平冰紋三尺同千
古銀榜全家困一城勁節愧叅蕉氏列揮絃悲甚雍
門聲風霜歷盡猶完好五百年來鐵石情

朝遷暮徙計仍非北去依然雪裏衣朱鳥乘風垂海

謝琴詩鈔聯吟

十四

松風草堂

三百五十三

立白鵬殉節入波飛調同麥秀歌聲苦魂向冬青樹
底歸無限苔花繡斑駁何人重賦首陽薇

正氣長畱詎杳沈文山琴又疊山琴揮將天水遺臣
淚并入雲和太古音靈返西湖雖淨土物經南渡總
傷心松風堂上同操縵懷古悠然思不禁

謝文節遺琴詩二首奉和吳新洲世講元韻

會稽

姚汝安

禹門

東桐西梓選良材曾被徵車逼迨來漠北尚畱埋血
地江南未掃戰場灰六陵風雨冬青冷半壁河山麥
秀哀安得君家竹如意一同攜上子陵臺

渡江白雁振霜翎一榻松風久杳冥故國詎忘天水
碧孤臣聊伴佛燈青黃冠人去誰同調朱鳥歌殘莫
再聽神物終教埋不得苔痕剔盡尚畱銘

同和

會稽

姚汝賢

件阮

袞袞降臣競薦材遺書卻聘又重來勤王已見舟沈
海憂國空勞筋畫灰茶坂風傳孤調急麻衣人鼓獨
絃哀忠魂地下逢臯羽應溯當年古釣臺

烏鳥情伸肯鍛翎六更籌盡曉冥冥生調玉軫昭精
白死具丹心照汗青驚鶴摩空滄海變孤鴻彈徹大
都聽趙松雪震餘琴詩有冬夜起坐彈孤鴻之句摩挲似有梅花斷曠世

謝琴詩鈔聯吟

五

松風草堂

鍾期鑒此銘

題謝文節公琴奉和素江先生令嗣新洲茂才
元韻卽塵雅正

長洲

鄒傳果

確堂

逋臣遯跡避求材衆忌名高勸駕來蕭寺畢生完大
節號鍾絕響歎寒灰豐城詎掩雙龍氣湘浦還驚隻
雁哀千載文琴獨同調悲風遙接越王臺

臺在閩中

閣譜誰傳換白翎燕雲極望路冥冥魂來關塞楓林
黑彈向江天島嶼青雅器合教名士賞新聲兼許遠
人聽可憐一樣橋亭硯不及桐孫手自銘

桐孫琴名

再賦謝文節公遺琴詩四律卽次素江先生原

韻寄請是正

會稽趙汝諧九蘭

君臣危急困彌州阿刺來時一旦休弓矢問誰能救

日救日之弓救月之矢宜立指乎旌旗如彌之山如帶之河尚永堅於盟誓謝太后勤王詔中語絲

桐由是只悲秋天驚石破有餘響曲罷歌殘未解愁

領略故人相訣意一錢吟送不回頭

賣卜橋邊流水清哀絃響激未和平幾多軍士沈厓

海十八宮人唱渭城東向寫心猶有淚北征揮手已

無聲天留神物終難掩記取孤臣曠世情

望斷燕雲路易非西風割面冷侵衣七絃彈到青琴

咽一雁橫如白練飛寶氣平津龍其躍貞魂華表鶴

謝琴詩鈔聯吟

十六

松風草堂

四百六十八

同歸松風室裏音重譜珍重詩人薦蕨薇

秋陰閣樹碧沈沈一往遙情一曲琴香草吟餘思古

調梅花修到有清音指閒韞劃摩霄槩絃外淒涼蹈

海心曾向堂前三百拜壯懷哀志兩難禁戊寅秋借商拜亭趨

候先生於武林松風草堂出琴相示敬贍神物抑何幸也

余題吳素江明經所藏宋謝文節公遺琴三年

矣戊寅新秋久病初起素江攜示謝琴聯吟倡

和詩冊輒依韻奉次四首

錢塘

王振綱尺魚

思趙真同鄭福州錢唐讖語果全休來聽穉柳嬌黃

曲憶煞荷花桂子秋三尺未彈先抱憤重山相對迴

含愁可憐僉表書名日絕似降籬出石頭

高風豈獨伯夷清極目燕雲入望平賸有鶴飛悲故
國竟無潮至打空城琴原縱使傳新製閣譜何從問
正聲留得孤臣遺澤在斷徽零軫倍關情

壑相何曾悔昨非禁中尚詠六銖衣五更風雨臣絃

絕百戰樊襄礮火飛二帝死猶哀北虜

楊髯發徽欽
二陵皆空無

一物徽陵惟朽木一段欽陵有木燈檠一枚而已
蓋二帝遺骸浮沈沙漠初未嘗還也見輟耕錄三

宮生竟不南歸憑誰譜入神絃曲一殘寒泉薦蕨薇

庚金甲木嘅升沈萬古綱常託此琴白塢晝霾空飲

恨青原夢斷孰知音形骸儘付恒沙劫天地常留不

謝琴詩鈔聯吟

十七

松風草堂

三百九十九

死心今日一彈還再鼓如悲如泣思難禁

戊寅中元後一日再詠謝琴用素江先生聯吟

原韻卽請琴慧夫人慈教

會稽女史

茹壽英

湘雲

鴛鴦樓外彩鳧州一曲家山唱未休冰骨七條珠柱

瘦江天一綫玉繩秋曹娥碑下鮫人淚謝女橋邊杜

宇愁千古離騷無可訴忽驚新月皺眉頭

一絃掩抑一音清指上風波似未平綺閣空畱紅杏

墅樓臺難守綠楊城還多墓掘宮班恨迸作山飛海

走聲彈到花雲都結凍可憐天水碧無情

曾否號鍾是也非高燒紅燭剔苔衣春雲出岫黃袍
影秋水漫天白雁飛著草仙乎招鶴返梅花開矣望
魂歸勸君更築松風圃好爲先生種翠薇

賸水殘山夕照沈松風颯颯起瑤琴誰彈宮調移商
調我勸觀音聽正音竹栢堅冰撐勁骨梧桐踈雨冷
仙心漫吟再怕忘平仄嚴築詩城把筆祭

前詩以失
拈咀字蒙

正竹梓
故及之

謝琴次韻寄素江吳丈

會稽

陳玉堂

梅查

出自燕郊製信州一彈再唱怨難休遺臣已閱滄桑
劫老物猶存塞草秋西市衣冠公不媿東山絲竹此

謝琴詩鈔聯吟

十六

松風草堂

偏愁若爲譜作昇平調誰數淒涼菊部頭

三百六十四

孤桐孤竹兩俱清南渡夷齊恨未平大漠冰霜纏護
國小朝燈火落樊城嶺緩泣下勤王淚霄鶴驚回破
陣聲一樣青原蕭寺裏槐花秋雨不勝情

馬角殘山事已非黃龍無酒灑青衣尚聞葛嶺笙歌
鬧終見厓山劈歷飛碧血定翻金盃出丹心誰裏錦
囊歸土花斑駁蛇跼斷滿院松風感采薇

盾樣江山久陸沈天教留此伯牙琴當年玉帶爲同
調異代成連有賞音銷盡水雲詞客怨照還江水美
人心六陵岡下休攜過花落冬青恐不禁

嘉慶己卯正月北上道出杭州爲吳素江賦謝
文節公琴詩四律卽次其元韻

歙縣汪燁坤甫

望斷援兵守一州
安仁城破此生休
空聞鼓角喧殘夜
獨抱絲桐怨暮秋
崖石裂時神鬼泣
舳艫傾處海天愁
卽今試譜冬青引
賸有哀音繞屋頭

劫餘爨尾響猶清
九寡絲彈怨未平
宋室早知無塊肉
匡山寧復有堅城
么絃孤韻丹心跡
野寺遺臣血淚聲
三字音終埋不得
斷垣衰草亦多情

謝琴詩鈔聯吟

五九

松風草堂

三五五

無家張祿姓原非
相對冰絃淚溼衣
忍見殘山悲木落
怕彈流水遣花飛
樓空信國今何在
海闢成連去不歸
一劍固遲公有母
十年漂泊食山薇

鞠通無恙久埋沈
鬼護神呵出此琴
桐梓未磨忠毅氣
徽絃猶作激昂音
當年誰識孤臣志
此日空傳處士心
藉問延陵今再鼓
風吟雨嘯可能禁

前過武林旣和素江先生謝琴元唱四首塵教
今復寄示文節琴陰拓本爰次令嗣新洲秀才

原韻奉答

時花朝前六日秦郵舟次汪燁并識

江南莫道少良材
神物相看自北來
血染斷紋猶點淚
心堅槁木未成灰
腥風透骨諸陵破
逆旅羈身一

曲哀彈到思歸絃欲絕金臺直作望鄉臺
空濛雨霽鶴梳翎譜出清商入泐冥關塞雁隨新月
白海門潮落故山青搥絃北寺聲如訴擊竹西臺響
其聽爲報知音從古少逢人輕莫揭遺銘

謝文節公遺琴次吳素江明經原韻時作於都
門卻寄

歙縣 黃振彩 亦兼

我來一棹憇江州曾痛沿江計已休竟有枯桐猶未
死可憐故國不勝秋天邊白雁聞聲渡指下青山入
夜愁今日忠魂何處是七絃彈盡月當頭

謝琴詩鈔聯吟

二十

松風草堂

三百七十九

淚降表都歸冀北城異代新絃猶有恨當年變徵祇
吞聲如何星火求遺士苦塊餘生也奪情

任呼風漢未全非更有酬金惜敝衣事到蓋棺方可
定魂如化鶴爲誰飛故人曠日期君去老母黃泉待
爾歸絕調自堪千古重盟心不食首陽薇

興隆笙管久銷沈五百年來有謝琴萬石牙牌無贖
字零丁詩句是遺音幾經秋水新秋月別寫松風太
古心我欲就君終一曲京門遙望思難禁

明經吳素江三兄余同鄉舊好也性耽風雅僑

寓武林得宋謝文節公遺琴繪圖徵詩哀爲大

集己卯夏余自桐江學署因公詣省造訪出示
屬題卽次原韻四首以應大教

歙縣

汪效伯

環峰

號鍾轉徙到杭州自是先生志未休
抱恨莫能恢半壁含悲還欲質千秋
水雲別後無同調天祐求時有
獨愁輦道西冷多麥秀思歸引裏苦低頭

羨煞梅花分外清者番修到足生平
如何擾攘來戎馬遂使倉皇失塹城
梁甫吟成空濺淚廣陵散絕竟
吞聲輸他高尚林和靖冷臥孤山謝世情

舟覆厓山國事非天涯從此變征衣
可憐庾信江南

謝琴詩鈔聯吟

王

松風草堂

賦併作成連海水飛銀榜又驚全室捕玉亭
終見裏尸歸文錢有值憑誰較五日悲風繼采薇

信國青原響久沈燕郊還出謝公琴蓋棺已絕游移
論厯劫猶餘激烈音桐梓留題昭素志湖山得傍遂
初心多君鑒別能珍重時對松風鼓不禁

外舅素江先生出示謝琴聯吟命和奉次新洲

內兄元韻二首

古歙

蕭國祥

琳邨

可惜江南少將材橫飛白雁渡江來
琴丁衰絕歸塵土笙奏興隆總劫灰
祗解冰心無限恨獨傳碧血有餘哀
更憐如意君家物擊碎當時朱鳥臺

驚鶴唳飢倦息翎哀音猶復繞蒼冥歌殘天水傷心
碧曲罷江峰極目青不見木波空自奏欲尋柴市倩
誰聽松風一榻還同調珍重遺詩又此銘

素江先生僑居武林得謝文節號鍾琴繪圖徵
詩久未報命己卯春菊君先生自杭歸攜示謝
琴聯吟詩鈔又復裒然成集因和原韻四首用
質菊君卽柬素江大雅清誨

歙縣 潘世鏞 東甫

謝家琴詠古杭州中有南朝恨未休二甲紅綾剛得
士五更白雁又橫秋朝遷暮徙孤臣泣海覆天翻帝
子愁一曲西風怨禾黍號鍾相伴雪盈頭

謝琴詩鈔聯吟

三
松風草堂
三百六

重山冷月入絃清擬和南薰譜太平忍見艱危徵信
國早聞談笑棄樊城儘揮去國懷鄉淚併作移宮換
羽聲倉卒團湖兵散後七條寒玉最傷情
盾形響寂故宮非攜入冰天雪滿衣秋老橋亭催葉
落春餘親舍望雲飛長思瀛國心還在一弔曹娥誓
不歸手撥臣絃彈古調浩歌遙接首陽薇

松風庭院漏沈沈藏到遺忠第二琴

文信國先有遺琴爲閩中何氏

所藏西梓東桐留絕響高山流水覓知音卦傳著草懷

當日人共梅花見素心却聘廬前期繫艇

疊山書院明臬長范

公勝曰却聘
廬見西湖志聽君鉤抹思難禁

敬賦謝文節公遺琴詩四首用素江先生原韻

寄琴慧夫人裁定

歙縣女史
潘東甫室

方掌珍

伯珠

信國琴同謝信州當年餘憤未曾休艱難柴市成仁
日慘澹禪關絕粒秋阿刺聲驕先飲恨拘幽調苦轉
增愁何須更譜思歸引只撫無絃也白頭

縱難天水望澄清底事江潮怒忽平半壁金湯如解
五一家縲綬又蕪城胸中蓄有思親淚指下都成變
徵聲日暮揮絃東嚮哭可憐家國兩傷情

謝琴詩鈔聯吟

三

松風草堂

三百六十九

哺哀聲如振鶴高飛降臣薦牘頻相迫好友投詩恐
再歸却憶貴溪山下路年年春雨長新薇

擊碎金甌痛陸沈未銘卜硯祗銘琴一坏荒土埋神
物萬壑松濤發古音孝感曹娥應入調忠侔南八已
盟心誰知殉國文山後尚有男兒涕不禁

素江先生得宋謝文節公琴繪圖徵詩丁丑秋
賦長歌以報神交久矣愛而不見我勞如何已

卯自嶺南歸薄游武林遂相訪於松風草堂一
見如舊相識出所徵謝琴詩文六卷各體具備

無美不搜又編謝琴聯吟一卷則先生與琴慧

夫人繼宇世講原倡而諸君子次韻之詩也一
門之內和若球鎗千里而遙應同桴鼓洵韻事
也讀畢成四律卽步原韻以誌締交之始并乞
教正時嘉慶己卯八月朔識於浙西觀察使署

之東榮

秀水 王 楨 獅巖

此生曾未識荊州懷刺逡巡意肯休書畫船中真好
古松風堂上最宜秋國思南渡興三歎人寓西泠賦
四愁爲祝成連香一瓣乞傳指法願低頭

箏琶聒耳洗難清靜對桐君心太平縞帶初交吳季

子鞭絲還憶弋陽城

戊寅冬作嶺南之
游往返道出信州

千秋法物號

謝琴詩鈔聯吟

三

松風草堂

鍾字六卷新詩擲地聲咫尺相尋留後約江天思古

發幽情

抱德煬和泯是非趨庭有子舞萊衣吟成五字長城

立養到三年大鳥飛

謂哲嗣繼
宇世講

邈矣丰標松獨秀翕

然聲望水知歸忠臣手澤才人筆欲讀先教露盥薇

葛嶺繁華一夢沈襟期遙託謝公琴休嫌海內無知

己難得閨中有賞音

謂琴慧
夫人

碧血尚留桐梓質烏絲

猶繫蕙蘭心劉樊福占人閒世多恐神僊妬不禁

吳素江姻丈得謝文節公遺琴徵詩海內名作

如林刻有松風草堂詩聯吟續刻兩編具見嗜

古情深今步原韻得詩四首竊喜是琴之得遇
知音而文節愈因以不朽云

慈谿

周茂棻

蕙塘

曠代知音寄歙州抱琴唱和正難休六陵風雨淒涼
夜一曲湖山噍殺秋莫挽紅羊兵燹劫可堪白雁水
天愁深情併作胥濤感燕市酸風起陌頭

冰絃節奏擬冰清不死心還寫不平抗坐嫚言參政
府避時賣卜建陽城殘山賸水終非舊怨徵悲商已
換聲七載腥風惆悵處文山以後獨含情

却聘當年事已非丹忱詎止著麻衣瑤徽蕭瑟哀絃
謝琴詩鈔聯吟

三五

松風草堂

急茶坂摩挲野鶴飛極目西天瀛國遠關心南渡水
雲歸唯公殉節西山後千古還教痛蔽薇

牛角江山夕照沈天憐忠孝獨留琴還期夷叔爲同
調欲遇鍾牙必賞音禪院荒碑誰嗣響松風短榻屬
知心於今好作昇平奏莫遣孤臣感不禁

家二兄

棗

以賦謝琴詩見示命

梧

次新洲仁兄

元韻四首

慈谿

周茂梧

琴樵

征北思南渡攜琴有別腸一腔沈寂寞千古逗淒涼
苦節歸唐石焦心自嶧陽歌傳天水碧舊恨結雲章
安置曾興國乾坤浩氣存慈雲開世界白日並忠魂

卽此丹心貫都成碧血痕如今藏什襲投錦擬天孫
入爨原知無棄材却教蹈海自東來絃須指按彈偏
斷鐵作心堅鍊不灰蟋蟀秋堂深飲恨蕨薇苦調劇
增哀當年怒觸波濤涌燕市狂風入夜臺

歌殘朱鳥雁摧翎竹石聲酸付杳冥地老天荒鳴鼓
角猿嘯鶴唳落冬青悲風似向松閒起古調還宜月
下聽拂拭南琴同北硯長偕何氏寶遺銘

謝琴詩四首和素江原韻

歙縣

汪

熊星六

一片降幡出鄂州小朝廷已霎時休空悲禾黍蕭疎
跡散作絲桐黯澹秋三疊尚歌南渡曲一彈如訴北

謝琴詩鈔聯吟

壬子

松風草堂
三百七

征愁鳳凰山上排衙石無復雕鞍據兩頭

按指琴音沸耳清當年孤憤尚難平自驚淮土空歸
馬遂使安仁失守城彈別建陽應絕響吟過采石不
成聲從今寫入江西譜好繼廬陵舊日情

十年遲死未爲非

本公句

血淚模糊點客衣忍把青琴

橫月下却驚白雁破煙飛攢宮北地思難返瀛國西
天望不歸絃斷自應同絕粒那堪復茹首陽薇

心史埋同井底沈滄桑過眼歎遺琴分明臯羽登臺
哭不是師涓亡國音玉軫更誰傳碧血錦囊今得貯

丹心遙知近日松風室百徧吟哦感不禁

再賦謝文節公遺琴次吳素江明經元韻卻寄

松風草堂

福建福鼎
林滋秀 初秋

妻子揚州母信州單車閩越一家休抱來琴軫關山
老彈出商聲天地秋白雁童謠餘國恨紅羊浩劫入
邊愁纍臣不作思歸引腸斷冬青古樹頭

姓謝僉名怨道清如公緩死盡生平思親淚落孤兒
曲望帝魂飛五國城忠孝不完非正氣興亡無補有
哀聲微軀七尺琴三尺難寫胸中壘塊情

鍾鼎河山舉目非寺樓絃急慘征衣壯懷等訴青原
夜啼髮如歌朱鳥飛厓海刺船龍共去雨風鳴榻鶴
應歸首陽高節傳孤竹又一傷心賦采薇

謝琴詩鈔聯吟

三

松風草堂

百戰團湖折戟沈斯人長往有斯琴骨拋燕北空埋
恨材到江南幸識音桐梓一歸名士手海天共寫蓋
臣心何時聽奏松風閣懷古思君兩不禁

長律四章再賦謝文節遺琴奉和素江先生大

嗙壇并次原韻

山陰
馮 淳 靜軒

鐵馬長驅入信州人琴破碎恨難休全家骨肉逃新
鬼一角湖山泣暮秋航海應憐龍種盡摩霄那禁鶴
聲愁譜成亡國無窮事苦著南冠不到頭

松風繞榻送餘清惻惻鳴絃總不平麥秀如傳箕子

操鶻啼休話洛陽城轉茶坂上誰同調唐石山前遍
哭聲一曲未終爰祚盡移宮換羽若爲情

卻聘書成事更非侍郎血淚濺麻衣北來風雪黃沙
走南渡河山白雁飛燕市筑聲愁裏和依齋月色夢
中歸賞音空憶西山客僵臥僧寮噉蕨薇

千秋毅魄竟沈沈故物空餘三尺琴更斷蝦蟆同絕
調人呼牛馬詎知音冬青樹死留神木汝社雲荒少
素心寄語延陵勤顧曲東桐西梓怨難禁

謝琴詩奉和素江先生元韻

元和 沈欽曾 筠坡

謝琴詩鈔聯吟

三

松風草堂

神物摩挲自薊州殘徽斷軫未全休孤臣直走三千
里淨土深埋五百秋合與忠魂留碎骨聽來逸響起

悲愁揮絃若按梅花曲覓句先驚詠擔頭

伯顏下江
南詩云擔

頭不帶江南物唯
插梅花三兩枝

紅羊歷劫兆河清猶有琴心訴不平顆粒肯還食周
粟九泥何處託孤城大江流水無潮信故國西風騰
雁聲血性千年遺恨在孝娥終古是同情

杵臼程嬰孰是非淚痕何必拭朝衣烏緣反哺情難
割鶴爲摩霄倦不飛三尺有靈還擇主十年無夢更
思歸鹿車難挽知音和兩地分攜各采薇

閣譜飄零久寂沈建陽市上變鳴琴空教東嚮揮殘
淚誰識南冠操土音響合松風留勁節情移海水見
同心曲終莫問人何在聽到江南思不禁

謝琴次韻四首

并引

歙縣

吳應奎

星齋

讀謝琴聯吟一卷及閱諸君次韻詩藁始知
質諸大匠之手玉斧頻修旣鉤章而拗句金
鍼暗度猶劇目而鉢心此亦藝林之盛舉也
庚辰春余將歸里假榻松風草堂家素江丈
相與翦燭敲詩夫人琴慧余之中表姑也復

出文節遺琴焚香試鼓其聲悽冽如訴如泣

謝琴詩鈔聯吟

无

松風草堂

三百五十四

覺南渡清商音猶在耳聞之者始如雍門周
之奏不禁戚然有所感焉而况邂逅相遇夜
闌鐙燼又余心之羈愁壹鬱聽之而愈悲噫
文節留琴與後人哀耶抑與後人感耶余不
暇辨琴之爲古獨寫琴之爲聲然吾嘗聞夫
琴之爲聲喜怒哀樂隨人所發哀者撫之固
哀而樂者撫之尤樂也然則他日儻相逢於
花朝月夕親戚言歡對斯琴以再鼓則余又
當從茲而樂矣平旦告行得詩四首附諸卷
末至詩之工拙固所不計尚待推敲是所望

於老斲輪也

角調聲聲倡石州分明焦尾怨難休重悲南渡興亡
日更訴西冷禾黍秋唐石山深甘匿跡建陽地僻苦
吟愁當年定許遺民聽同悵甌波橋上頭

布指垂簾響復清橫琴應賴石牀平只緣賣卜閒居
市卻被徵材誘入城東嚮兩行空墮淚南冠一繫不
聞聲從今再鼓幽篁裏非復當時故國情

窮北囊琴驛路非黃沙撲面襲行衣七條貞白三絃
斷一樹冬青萬葉飛孝感曹娥羈客盡忠侔信國旅

魂歸燕臺此後尋遺響合並詩囚賦采薇

宋遺民弔
文山公詩

謝琴詩鈔聯吟

有燕臺從此
築詩囚之句

出土穿雲韻久沈摩挲猶認謝公琴苔花剔盡留餘
響玉指揮來聽好音宛轉曲終孤館夢思歸引起故
鄉心片帆明日巖灘過欲弔西臺感不禁

步和謝琴聯吟詩韻錄奉素江先生教正

山西古絳

梁衍緒 竹雲

交情猶未夢梁州乍見琴詩讀不休半壁河山存正
氣六陵風雨賸殘秋多君鴻案能銷恨嗟我萍蹤轉
益愁欲坐草堂聽一曲怕驚飛鶴下雲頭

添香竹几篆煙清飈盡新歌溯屈平落日天吳遊陸

海悲風山鬼嘯降城三千弱水橋亭淚百萬疆兵鬢
策聲彈到烏啼殘月冷祗應湘瑟有同情
九點煙寰觸處非危絃促柱弔麻衣桑乾流水聲悽
咽蕭寺枯桐葉亂飛信國雲中應少駐曹娥江上豈
思歸須知天產重山後不爲孤臣更產薇
雙調綠綺漏沈沈靈爽常憑三尺琴點點土花唯漬
血條條寒玉屬知音鸞飄鳳泊垂銘字雨盪風磨匪
石心忠烈自來天不沒湘東金管故難禁

戊寅春和謝琴元韻詩冊呈教後有不愜意處

仍屬友人姚再洲攜還奉諱以來不理筆墨久

謝琴詩鈔聯吟

三

松風草堂

矣今已及禪仿古人祥琴之意重復更正數字

再似素江先生印可

錢塘

虞

錦春江

鑄錯眞煩聚六州厓山鼙鼓響全休悲歌誰和西臺
哭絲竹先荒南渡秋江上神傷天水碧故宮風運黍
離愁重嗟壑相平章暇簫筦安排坐兩頭
家山破後怨淒清恢復空期譜太平一曲悲深廣陵
散六更愁絕建陽城拘幽操在難爲弄正氣歌終此
繼聲若使青原少同調危彈東嚮不勝情

迴首神州萬事非鼎湖龍去絕牽衣冰心祗託朱絃
冷蒿目難堪白雁飛奇賞豈甘邀爨下好音無處寄

懷歸千金不向長安碎遺恨西山怨蕨薇
玉魚金盃感銷沈舊澤還留三尺琴桐梓之間鍾開
氣滄桑而後汝知音危絃激響孤臣淚斷軫殘徽故
國心漫向錢唐江上鼓怒濤驚起恨爭禁

再賦謝琴四律奉次素江先生元韻

富陽 王義祖 榆園

金臺空築到幽州此恨綿綿總未休五國音書嗟斷
夢百年桐梓尚驚秋歌流潢水魚龍泣彈近燕山草
木愁十二操都淪北鄙祇聆餘韻海邊頭

脩到梅花一樣清黃昏風雨慟開平六軍無那沈于

謝琴詩鈔聯吟

三 松風草堂

海萬里緣何壞汝城臣自南來誰顧曲君先北去獨
吞聲天涯畢竟知音少撥盡危絃總薄情

城郭人民已兩非庭牆無復賦無衣雲橫荒圃埋三
尺夢杳穹廬滯六飛出塞但聞烏夜泣摩霄幾見鶴
南歸迄今絃上傳遺響猶似鳴鳴詠蕨薇

松風堂上夜沈沈雨黯鐙昏聽鼓琴彈罷還應悲宋
社曲終總不變吳音半生慷慨勤王志一片忠貞報
國心落盡冬青諸弄作雁行斜處淚難禁

奉次素江先生題謝文節公遺琴四首原韻乞

正之

寧海 釋漢北 伴霞

陸沈無奈此神州痛洒新亭淚不休隻手難揮斜照
返七絃欲化怒濤秋臣宜死辱安偷活調自生悲孰
遣愁爲有倚閭人在望垂簾市上屢回頭

龔生之潔伯夷清弔古琴心耿不平此夜六更撾短
堞當年萬里壞長城血湔柴市誰無淚浪拍厓山尚
有聲撫弄危絃歌麥秀殷墟客過劇愴情

促檻傳車去路非黃塵掩淚拭征衣已拚野鶴摩霄
去無復慈烏繞樹飛生斲梓桐原有自死離陌阱恍
如歸拘幽一操悲千古又賦西山續采薇

青齊彝器久銷沈見說號鍾又謝琴血染萇宏同碧
色名符小白異韶音還從蘿月松風屋譜出梅花天
地心老衲勾挑原不識筆扛龍鼎更難禁

素江吾友所得謝琴久爲作一詩入梓矣書來
仍索和其原韻勉成四律奉寄

謝琴詩鈔聯吟

三

松風草堂

歙縣

鮑桂星

覺生

莫問杭州與汴州餓夫一死宋全休寂寥孤竹三千
載埋沒枯桐五百秋遺硯至今同寶愛卜簾當日伴
牢愁念家山破淒涼曲年少人聽也白頭

斷紋黯慘色悽清知是先生恨未平共鶴攜來提點
署偕龜拂去建陽城清商自寫孤臣痛變徵如聞壯

士聲比似西臺竹如意一時敲碎若爲情
九十三年愛日非天涯無淚灑牛衣啼鳥別鶴俱哀
怨賸水殘山不奮飛朱鳥味長焉得食黃冠人老未
同歸東風省識冰絃語忍爲春山長蘼薇

紅羊劫後幾銷沈南渡乾坤此一琴船去伯牙成絕
響劍歸季札爲知音淒淒紙上興亡恨皎皎人間義
烈心休向西湖彈夜月水花煙柳怨難禁

謝琴詩二首步吳新洲同學原韻

錢塘 陳松生 芝亭

濟困端須仗軼材安仁鼓死抱琴來豈甘北面心如

謝琴詩鈔聯吟

三首 松風草堂

鐵自縈南冠志未灰義士痛埋陵骨恨餓夫愁絕村
絃哀祇今瑤軫空餘響猶似麻衣哭夜臺

嗚飢野寺鶴梳翎悵望西山入杳冥薇蕨采從商地
綠絲桐彈向佛鐙青重洋戰艦飄何處三疊清音得
再聽可惜君家竹如意未同泐此古遺銘

謝文節遺琴詩二首次家從兄新洲元韻

古歙 吳安 適齋

詔下江南徵逸材憫忠有客把琴來七條絃自揮殘

淚萬古心難作死灰彈向燕山都咽恨歌流易水總

銜哀君王縱好求遺士爭柰黃金空築臺

樂府徒聞舞雀翎海波戰艦久沈冥西山繼死貞心
白南渡畱名汗簡青化鶴歸來人不識廣陵散絕鬼
猶聽蒼涼別有孤臣怨零落誰憐盾樣銘

讀謝琴詩畢感次前韻再呈吳丈并新洲茂才

海鹽俞浩四香

吳儂感賦宋時材誰遣瑤琴得得來不見古人思手
澤相逢同調肯心灰秋風蟋蟀前朝怨曉月琵琶異
地哀畢竟曲高難爲和寒潮嗚咽過西臺

檻車籠鶴鍛脩翎一曲驪歌慟杳冥京洛到來衣尚
素師門重見眼猶青似憐寶祐前程斷如說開元舊
事聽莫擬黍離詩弔古新編卻勝墓中銘

謝琴詩鈔聯吟

五

松風草堂

余讀素江先生謝琴詩鈔旣調如此江山二闕
就正詞中意有未盡復次自題原韻用以發揮

忠烈不沾沾於琴也

吳江仲湘蘭修

奮單身與守屏州百戰凌兢再敗休戀母生容偷旦
夕毀家義獨仿春秋公孫虛抱存孤志帝子空餘學
佛愁塊肉難延殘局了颺風捲起怒濤頭

早看天水碧淒清君相當時自太平飲席通宵排禁
苑降幡遍野失孤城蝦蟆漸促錚撻漏蟋蟀偏張戰
鬪聲一寸已無乾淨地與人軍國孰爲情

賣卜移名身世非，栖栖草屨與麻衣。
全家盡付紅羊劫，故國還驚白雁飛。
膾有書郵傳卻聘，便無詩餞肯言歸。
果然赴義從容極，并不甘心噉蕨薇。

垂千萬古不銷沈，不朽名堪視此琴。
正氣歌終剛嗣響，招魂曲在亦同音。
質堅暗漬憤懣淚，紋斷疑捫寸寸心。
莫對臨安彈往事，一弦一柱恐難禁。

謝文節公遺琴詩倒次素江先生元韻

吳江金作霖甘叔

一展瑤編感不禁，霜豪爭寫蓋臣心。
正聲未死留殘軫，異代何妨結賞音。
物亦有靈能殉主，人真不朽豈亡琴。
東山桐與西山梓，肯逐恒沙浩劫沈。

謝琴詩鈔聯吟

松風草堂
三百全

况瘁當年賦采薇，團湖兵潰馬空歸。
九天星隕官俱遁，三日潮枯水不飛。
奉母情難拋米屨，喪君痛豈了麻衣。
廿年孤負書生策，苦說中朝宰相非。
庸奴那識此衷情，日日橋亭慟哭聲。
負國有人還賣友，開門何地不降城。
死應無面逢先帝，生更興朝佐太平。
眼見江南人物杳，萬難天水望澄清。

餞公此去莫回頭，易水寒雲結古愁。
同輩多煩催一死，先生早自定千秋。
君臣絃絕生何補，嬰杵心違事竟休。
料得枯桐鳴此日，憤風吹滿古杭州。

和韻

吳縣黃丕烈復翁

千古羈魂戀信州姓名不逐此生休封疆肯效安仁
死山谷徒悲異域秋抱器來奔非我志安絃操縵使
人愁一琴留得忠臣淚翻作奇珍置案頭

妖氛何日轉澄清忠憤填膺恨不平老母殯猶傷淺
土孤軍兵已痛圍城薇蕨縱抱知恩感桐梓終舍易
代聲若使改絃彈別調南冠難慰故鄉情

寶祐科名事已非三人塗炭著朝衣海波漫說羣龍
輔霄漢爭看獨鶴飛風雨寂寥蕭寺宿水雲淡蕩異
鄉歸我生拚向燕郊死蔬果眞堪敵蕨薇

謝琴詩鈔聯吟

三七

松風草堂
二百五十五

厓山半壁久銷沈廿字精鑄託素琴卜肆依齋埋旅
迹麻衣躡履想徽音荒淫南渡千秋怨慟哭西臺一
片心觀美今來吳季子松風謾謾思難禁

素江先生寄示佳篇疊韻請正

歙縣

鮑桂星

覺生

記得前年到越州詩筒酒榼幾曾休湖樓水月唵忘
曉野寺鍾魚臥聽秋贈縞情多兼好事臨觴興劇不
知愁如何襍被還京輦一夜相思雪滿頭

曳履天台訪國清寺名建自隋代重過湖上已嘉平攜琴衲

逐雲歸寺送酒人隨月出城玉版參來霜有味銀罌

滄去雪無聲西冷千尺玻璃水那及先生好我情辛巳

秋冬余往來越中住西湖累月君投詩餽餉殆無虛日至今感不去心

龍井幽尋事已非鳳城春又著朝衣人來九陌花
應笑夢到孤山鶴與飛無奈柳條工贈別有如江水
不思歸便教再入中書省白髮何堪對紫薇

郇雲不共渚波沈況有名篇壓謝琴病骨銷磨餘道
氣秋懷激楚入商音茫茫宿草論交淚冉冉空花出
世心卻老但憑詩酒在休教根觸感難禁

附載原跋道光癸未仲冬朔有五日漏下四鼓薄
醉初醒長風怒號撥爐火熬燈書此回憶湖樓雪
月鶴叫鴻驚不勝今昔之感
云覺翁鮑桂星時年六十

謝琴詩鈔聯吟

松風草堂
四百零七

甲申余客杭州耳素江先生名聞有徵刻謝琴
詩尚未獲覲頃識面於許湘浦座上一見如故
更承以佳章見示爰疊原韻錄呈正削

江陰
沙楷堂 研山

頻年輪轍滯皇州小住西湖跡暫休徒以浮名消歲
月敢將韻語作陽秋寒梅訪後留清夢春雨深時動
客愁幸有黃山詞叟在詩筒投贈到江頭余時寓清
泰門外離

錢塘江
不遠

紫芝眉宇本神清況復高踪慕向平愛客樽常開北
海著書身自擁層城煙雲盡入詩中畫山水都成指

上聲名士交游半天下閉門投轄每多情
鴻雪生涯回首非春風今又上征衣昔年舊雨如雲
散到處行蹤逐絮飛名摘榜花才媿薄句成池草夢
思歸何當常侍冬郎席一讀新詩一盥薇
疊山遺跡未銷沈處士齋頭貯宋琴蛇腹龍紋多古
意天風海水有清音茫茫世界誰同調落落塵寰遇
賞心此日荊州纔識面相知太晚恨難禁

次韻素江三甥賦謝文節公遺琴四律

古歛張 鏞 松溪

摘詞彷彿韋蘇州句到驚人未肯休正氣猶傳歌壘
謝琴詩鈔聯吟

三五松風草堂
三百八十六

韻響泉如瀉泣清秋重脩斷軫追前製試整哀絃弔
古愁莫向錢塘江對鼓憤風恐捲海潮頭
嘉樹由來得氣清何關國替兆華平女貞有識仍埋
骨南八無援遽陷城孝感遺碑哀墮淚忠懷如意碎
敲聲於今却奏承平調一曲應移海上情

炎祚支移事久非孤臣枉自淚沾衣蝦蟆更促晝消
短蟋蟀堂開塵亂飛有句避秦終不遂無絃靖節早
思歸何當一泛西泠棹盥手琴前誦采薇

龍鍾衰老晝沈沈館雨檐流聽似琴忽接瑤函悅情

話猶聞玉露滴清音
時三甥有書至并寄
觀謝琴詩鈔石刻 桐依石友

偕蘭友人抱忠心共苦心海內名公徧題詠精英毅
魄慰難禁

又次繼宇彌甥七律原韻二首

從來英主慕良材駿骨黃金買得來千載可悲三字
獄當時極枉衆心灰橫空白雁穿雲破歷劫紅羊斷
軫哀迴憶中興人便淚碎敲如意繞西臺

依齋豈爲息脩翎理操揮絃慟官冥天下全無獨衣

白人閒仰止兩山青鶴鳴秋水驚巢破曲譜貞魂忍

淚聽夫人李氏在獄中不屈死桐梓泣痕疑未冷可憐萬古一心

銘

謝琴詩鈔聯吟

四十一

松風草堂

三百四十五

再次繼宇彌甥五律原韻二首

獨抱枯桐泣忠懷鐵石腸騰書辭斷絕蕭寺痛淒涼
義烈齊龔勝孤高擬首陽君恩兩不負進退盡文章
正氣乾坤重琴書自固存松風思雅操梅月擬清魂
指落泉流響波分屋漏痕寶兼忠孝傳勿替奔雲孫

癸未夏素江三兄親家寄示感懷詩屢索和章

因淮南北頻年旱潦絕無意典今夏六月各屬
俱得快雨綠滿軒庭案牘漸簡勉步元原以踐
諾責時作於鳳陽道任所卻寄

浦江

戴

聰 春塘

三年前記別杭州自笑塵容尚未休舊歷湖山猶入
夢老來詩酒不宜秋地無勝蹟游常嬾官到災區醉
亦愁況爲平反頻讀律勞勞霜雪已盈頭

去秋今春
往來皖城

兩攝
泉篆

羨君詩筆舉家清婚嫁年來了向平琴有千秋傳逸
響韻經十疊比長城湖樓宴月杯浮白山寺吟風字
有聲今日天涯懷舊侶但憑雙鯉寄遙情

十載閒居悟昨非飢來驅我脫荷衣偶圖杏雨吟懷

健道署東偏種杏二株顏其軒曰
杏花春雨繪圖徵詩題者甚多

每憶松風逸興飛

彈罷似聞山石裂曲終如送水雲歸堂中定供依齋

謝琴詩鈔聯吟

一

松風草堂

像一盞寒泉薦蕨薇

書來何必問升沈招我還須海上琴漫說江湖多往
跡誰能閨閣有知音歸田心事春宵夢滿壁詩篇舊
雨心莫怪酬賤遲又久離懷棖觸那堪禁

甲申春日奉和素江三兄感懷元韻

仁和

沈鏞彪

聽篔簹

同住東南第一州吸光飲淥幾曾休袖來紫陌雙柑
豔簪到黃華兩鬢秋風雨忽驚幽客夢江湖不免散
人愁但期擊壤歌豐歲好取青錢挂杖頭

昨秋江省
積雨成災

今春亦

多雨

讀罷新詩氣味清知君穎悟勝方平遠邀詞伯揮青

翰近湖仙游過赤城辛巳冬鮑覺生前輩游天台歸又泛舟桐江於九里洲探梅萬

花中旋都後卽有詩寄君亦疊其韻晴雪梅花千萬樹曉風城角兩三

聲劇憐祭酒先朝露展卷難忘點畫情君微刻謝琴詩皆吳穀人

祭酒所定今歸道山矣

貪戀微名自覺非薜蘿端合換朝衣要攄白髮倚閭

望漫說青雲羨鳥飛余於壬午冬乞養歸里贈藥多君攜籠至

家大人素患脾泄君以仙術見惠厚意足感采蒲笑我挾山歸郊行見溪

蒲一本攜歸作案頭清供偶然臨水墮塵垢也染清芬似盥薇

寶鼎香濃燕蠟沈朱絃更撫謝公琴長懷潘岳閒居

謝琴詩鈔聯吟

四三 松風草堂 三百九十九

賦獨鼓成連大海音三月花枝新照眼半牀書畫最

關心媿余未解吟詩趣飯顆偏形瘦不禁

七律四章驗贈素江先生大雅教正卽用感懷

元韻

歙縣 曹鳴鑾 穀生

侯封那抵識荊州一笑尊前話不休海國風高人似

鶴山樓雨淨氣如秋飲醇最好逢鄉味說劍無端動

古愁直是詩家孟東野乍教相見便低頭

耳畔如聽畫角清詩壇高與陣雲平卽看兒輩能傳

捷更說夫人早築城君配琴慧夫人及令嗣新洲茂才皆工詩善琴滿壁鸞

龍爭欲舞一時鵝鶴盡無聲退兵我願輸三舍髀肉

休嗟老去情

結箇茅堂未是非松風吹上薜蘿衣胸藏古月層層
澈心逐晨星點點飛絲竹正須能自寫江山如此肯
言歸編成感舊漁洋集入手爭教浣綠薇

虛舟如我歎浮沈誰為中郎辨爨琴半世浪吟多旅
興一篇雅奏出元音春風湖上神仙侶芳草天涯客

子心為我衆山呼欲應此情尤覺感難禁謂勸捐修志事

附載詩後原跋道光五年元宵後二日書於胥山之煙霞寄逸軒時湖風作寒林雪欲莫旅懷殊寂寂也

乙酉仲秋奉訪素江詞丈於松風草堂出謝琴

謝琴聯吟詩鈔

感懷詩四首卽次其原韻 平湖 胡金勝 東井

槐黃經月住杭州底事匆忙笑未休舉目塵囂多酷

暑置身圖畫愛涼秋 寓樓臨街湫隘日坐湖舫避暑 懶呼麴蘖傾三

雅欲抱絲桐詠四愁引領城南山一角松風萬斛捲

濤頭 所居松風草堂在吳山之麓

號鍾入座響尤清如替孤臣訴不平蝦漏鳴殘悲永

夜蛩兵鬪罷壞長城盾形久歎為煨燼蛻骨猶能作

怒聲試鼓天風海濤曲成連千載有同情

馬角江山事已非抱琴人自裹麻衣青桐入地凝灰

劫白雁橫天破鏡飛霹靂響揮柴市去瀟湘影盼水

雲歸琴曲名借用只今絃上悲風起猶似聲聲怨采薇

中和挂壁感聲沈予近得路王琴一張名中和詩云月印長江水風微滴露清會到無

主人四字第八十三號云碎市空懷伯玉琴媿我

獨彈非古調予患病學琴從方外佩公習梅花三弄漢宮秋月岳陽三醉等曲頗獲靜趣

翰君舉室盡知音淑配張琴慧夫人及今嗣新洲茂才俱工詩善琴秋風梧

葉饒清興明月梅花證素心擬為桐君編語錄恐翻

商調思難禁子嗜琴擬撰桐君錄未果

敬賦謝文節公遺琴奉和素江先生原韻四律

請正歙縣江德里鄭門

人琴並碎慟神州張祿埋名涕未休尚有絲桐堪繫

謝琴詩鈔聯吟松風草堂四首五

恨已無蟋蟀可鳴秋彈來越調家山破憶到成連海

水愁卻怪笙歌聞葛嶺當時不斬佞臣頭

逋臣心跡本雙清蕭寺離愁感屈平斷軫零徵音入

古玉魚金盃價連城奇材不朽須奇節正氣常留賴

正聲惆悵六陵風雨夕水龍吟操倍傷情

君臣民物事全非忍把麻衣換錦衣雁白聲高何慘

慘冬青葉落故飛飛倘淪北鄙拌先死縱操南音誓

不歸千古同心稱絕調西山之梓首陽薇

慷慨從容盡陸沈謝琴何獨讓文琴原期共按還宮

律豈料都成變徵音淨土果能畱塊肉朱絃依舊寫

丹心漸離筑與睢陽笛迸入號鐘感不禁

素江詞伯見示謝琴聯吟詩鈔一冊卽依元韻

奉和錄請郢正

仁和 葉華春 蘭伯

孤掌難鳴守一州改絃易轍事全休揮來冰柱羈臣
淚譜出商聲故國秋蟋蟀堂開三捷興蝦蟇漏下五
更愁瑤琴自是隨身物卻聘郵書列案頭

靈龜著草篆煙清恢復空期兆太平正氣有歌悲信
國勤王無力失孤城建陽市度垂簾影唐石山傳變
徵聲卜肆至今多寂寞 用李義山句 尚餘古調卻移情

慈烏事了事尤非老大徒傷未拂衣 用杜子美句 慙劫紅

謝琴詩鈔聯吟

三首 松風草堂

羊猶繼響繞絃白雁不停飛橋亭賣卜誰能識燕市
徵材去不歸一自罷琴謝周粟更無音訊故山薇

河山半壁久銷沈蘚蝕塵埋出此琴七客媿參蕉氏

列 楊鐵厓闢一室爲七客者之寮其二賈似道蕉氏秋琴其五是文信國王帶生硯於處寮中 六

更愁絕廣陵音指閒想像摩霄態絃外空存蹈海心

觀樂只推吳季子移宮換羽那能禁

奉和謝文節公遺琴四首敬步素江世伯原韻

卽呈誨正 餘杭 楊行簡 少白

年來猶憶客均州 副總兵星垣張公襄陽均州旅館人子嘗應聘授業其子與孫藏古劍可以

耽吟尚未休長鈇放歌銷盛夏 張公家藏古劍可以泥鐵爰集同人賦詩

以作銷夏清詩愈疾可鳴秋子館均州傳覽謝琴詩一之舉故云

遙知有調皆彈古空向無絃亦解愁分付秃奴歸計

決棹歌聽徹楚江頭

松風堂上韻幽清譜出精忠憤未平納幣議和終誤

國援兵乏救失危城彈成別鶴離鸞曲遊作悲宮怨

羽聲一死故遲因母在熒熒孤立倍傷情

運移宋祚事全非未撥湘絃淚溼衣即使再塵厓水

戰那能重掣怒潮飛垂簾豈僅供求卜避世還如視

死歸一曲未終甘絕粒更何人采首陽薇

五百餘年響未沈東桐西梓見遺琴延陵季子真知

謝琴詩鈔聯吟

四六 松風草堂

已海內名賢盡賞音三尺亂紋曾歷劫七條寒玉最

關心從今聽到蒼涼處風雨瀟瀟怨不禁

丁酉冬過松風草堂得聆新洲仁兄鼓琴一曲

重簾不捲好香在爐音節淒清棖觸吟懷卽和

原韻五律二首時嘉平朔日餘杭楊行簡并識

一唱三飲泣一彈十斷腸孝思何抑鬱忠悃愈悲涼

海上知餘燼天邊問夕陽陡然作長慟恨煞賈平章

阿刺來歌後逃生爲母存橋亭雖隱迹唐石最驚魂

今日絲桐響當年血淚痕貴谿誰逼迫殉節又兒孫

再和新洲仁兄長律二首卽次元韻并請教正

建陽城市隱奇材日日麻衣慟哭來
齒切佞臣終敗國心傷塊肉竟成灰
微車不怕前程迫抱節何知後世哀
怪底土花班駁甚此琴仍得自燕臺

江上橫飛白雁翎趙家城郭晝冥冥
聲依人去宮商變調入潮來天地青
曉月朦朧曾獨鼓晚風蕭颯又同聽
願傾一架薔薇露盥手摩挲廿字銘

題謝文節公遺琴奉和素江仁兄原韻卽呈雅
教
仁和胡敬書

南望碭州北冀州七條遊斷此生休
窮邊雁陣關山月孤館松風海國秋
黃鵠再彈同寄慨紅羊逢劫那勝愁
殺機指下如先悟誓斬師夔一顆頭

謝琴詩鈔聯吟

松風草堂

卽死何由謗洗清閒關茶坂怒難平
橋邊賣卜空畱硯江上提師竟失城
家國兩無存活計宮商都作別離聲
逋臣偷息緣親在敢效成連泛海情
往事掀髯論總非天涯風雪滿麻衣
身如驚鶴垂垂老目送征鴻渺渺飛
抱節肯隨桐爨虛論材追憶梓宮歸
重山高與西山等歌罷何心更采薇

拋卻黃閒與綠沈囊中惟賸廣陵琴
荒臺臯羽同悲哭古寺文山有嗣音
莽莽平沙亡國恨洋洋流水故交心
畱傳比似延陵劍欲和詩愁思不禁

素江三兄見示謝琴聯吟詩鈔一冊原倡既佳
和者復名作如林勉成四章應教近日天寒欲
雪不審尊體何如仍用前韻奉懷四首以博大

同小雅一晒

時道光丁酉嘉平既望書農胡敬并識

記自乘輶莅歙州遂因陳養賦歸休珂鄉遠訪千餘

里蘭抱同傾十數秋周覽山川君有術

君善郭璞之術

未安

窀穸我深愁棲霞嶺側沙隄畔屢爲輕舸喚渡頭

老年婚嫁債償清大好游山學向平分與藥苗眞益

壽君常服何首烏丸散每歲購得大者必分餉子數枚且云益壽足感盛情

寄來詩句比

長城縱扶鳩杖猶童貌慣聽楸枰落子聲眠食近來

謝琴詩鈔聯吟

吳松風草堂

無恙否兩翁遲暮最關情

柴桑身計未全非早把朝衫換褐衣有好在龍談不

厭此生如鳥倦還飛愛披芸草當風坐笑折梅花冒

雪歸頭腦冬烘心跡淡束脩羊異首山薇

韻磬號鍾跡久沈君從何處購斯琴鬼神呵護畱貞

幹山水高長契古音堂下斲輪皆老手房中賡曲有

同心蘭條敷秀桐枝長暇撫松風樂不禁

素江三兄嘗索和謝琴詩因見集中名作如林

頗欲藏拙茲以再索三索之不已也卽依原韻

奉呈雅教知仍不免續貂之誚耳時戊戌仲春

花朝

越郡高鳳臺 越坵

變歌怕唱到幽州底事三番索不休

君初介張春水次介沈聽篁三

介胡書農囑和謝琴詩可謂誠矣

試撫朱絃七條古還驚白雁一聲

秋龍紋蛇腹傳遺製海水天風動客愁歷宋元明年
代遠虧君覓取供齋頭

桐尾生來氣最清縱含激楚亦和平出宮太后悲僉
表整旅元戎痛失城趙土冬青畱樹影錢江潮白起
商聲同聽阿刺軍中曲無限徘徊故國情

河山半壁已全非茶坂驅馳一布衣橋畔垂簾成小

隱獄中破鏡歎分飛

夫人李氏繫獄不屈死

西臺早拚披麻哭

謝琴詩鈔聯吟

望

松風草堂

南渡空思扈蹕歸反哺慈烏粗了願首陽終采蕨兼
薇

燕市荒涼跡久沈號鐘彈出疊山琴誰為樵唱招同

志

宋亡先有毛侍郎援琴作樵歌以招隱

偶寄松風得賞音獨抱軫殘

絃斷想難移石爛海枯心瑤章莫怪遲遲和操縵先

教憤不禁

謝文節公遺琴和松風草堂原倡四首韻

蕭山陸

機 次山

汴州失計駐杭州南渡偏安勢已休宋室零花天水
碧禪關絕粒佛燈秋思親一操憑揮淚卻聘三書與

一 訴愁時帝訪求南人有才者甚急諸降臣文章薦之公御聘書有三一上留夢炎一上程文海一上

魏天 出土穿雲同慘裂不堪飲器故王頭

梅花仙骨謝公清過眼滄桑恨未平舊器抱還唐石

路急絃彈斷信州城橋亭硯在龜占兆茶坂魂歸鶴

唳聲迸入君家竹如意西臺晞髮想同情

浪捲舟沈天意非茫茫東向淚沾衣悲深故國紅羊

劫盼斷平沙白雁飛柴市一揮霹靂響宮娥還餞水

雲歸重山抗得西山節欲展哀歌繼采薇

伯牙去後韻銷沈名在宣和第幾琴伯牙琴名號鍾宣和百琴堂亦

有號青眼狂生偏識曲丁酉夏過松風草堂曾彈數曲白頭佳偶遇

謝琴詩鈔聯吟

知音奇懷待贈移情客靈物終存出世心我欲招魂

彈夜月六陵花草淚難禁

素江尊伯出題謝文節公遺琴四律命步元韻

卽呈誨政錢塘夏之盛松如

零落妻孥竄信州麻衣一哭此生休商絃淒咽孤臣

痛鬼火青熒破寺秋有客重論興廢事憑君盡訴古

今愁厓山無計迴龍馭空望煙波歎白頭

垂簾卜肆景淒清彈到號鍾恨不平南內金縉空積

歲襄陽烽火陷孤城宮商往日留哀響天地于今有

正聲白雁飛飛秋欲暮江花江水總無情

不論興衰論是非河山滿目涕沾衣半生知己孤桐
在大海迴風一鶚飛卻聘便教身似寄抱琴拚擬死
如歸憫忠寺裏音誰和畱得高歌繼采薇

舊時吟侶半銷沈惆悵松風賸素琴往歲素江尊伯刊謝琴詩一時

倡和頗多屈指舊交半歸零落山館重來尋古調延陵難得嗣徽音

平沙莽蒼遺民淚流水纏絲我輩心濁酒半醒聽一曲寒蟬落葉感難禁

恭和素江尊伯謝琴詩原韻四首卽請誨正

仁和 麗生 張乃宋

既錯焉能鑄六州悲宮怨羽幾曾休七絃雨暗橋亭

謝琴詩鈔聯吟

至 松風草堂 百五十三

暮一曲風翻海國秋誤薦師夔還抱憤貪狂壑相那

知愁慈烏莫更啼淡夜只聽琴聲已白頭

逋臣遯跡洗孤清山谷崎嶇路不平謫宦塞樓興國

驛勤王難守信州城應龍夢杳同歸慨相傳文丞相為冷水潭應

龍託生化鶴魂銷此繼聲五百年來曾歷劫殘微斷軫

益傷情

底事當途薦剡非麻衣豈肯換朝衣青琴入地逃時

劫白雁漫天觸處飛碧血尚埋金盃見丹心猶貯錦

囊歸重山突兀西山節千古高風嗣采薇

變名賣卜感升沈雲臥空山獨擁琴侍御降臣程 枉 文海

勞頻薦牘座師故相雷夢炎徒說慣知音冰絲合寫孤臣志詩酒難忘舊雨心再鼓松風誰顧曲故交零落感

爭禁

奉次新洲同研仁兄七律原韻二首

卻聘當時徵逸材麻衣猶似裹琴來一坏黃土淺埋恨百鍊丹心竟未灰雲鶴疾飛應調急海濤怒挾此絃哀降臣地下逢先帝面目如何見夜臺

摩霄驚鶴振霜翎蕭瑟迴風日已冥宋室悲歌天水碧梵宮絕粒佛燈青清商好向松閒奏逸響還從月下聽十六字猶垂萬古零桐殘梓認題銘

謝琴詩鈔聯吟

至三 松風草堂

再次新洲大兄五律原韻二首

修到貞心在梅花鐵石腸薰風今解慍離黍昔悲涼南渡遺靈響西冷弔夕陽於斯懷勁節再拜和詩章君親忘不得忠孝一琴存白髮山中母黃袍海底魂心傷瀛國衲淚積素衣痕更有橋亭視同賡貽子孫素江先生郵示謝琴聯吟一冊卽步其感懷元

韻四首奉答

淳安

吳樹金

雙園

萬壘巉巖繞福州逋臣跋涉幾時休雲橫閩嶂猿啼夜月映蘆洲雁叫秋汴水不關興廢事吳山空鎖古今愁東桐西梓分明在自把銘詞鏤上頭

庭苑春陰陰復清
雨花應共石牀平
用王摩詰句
階前蘭

玉香爲國座上詩
章錦作城閉戶尚
思畱月影隔簾

猶聽邊雲聲不須
更慕乘桴想自有
成連泛海情

陵寢傾頽事已非
干戈焉敢住鳥衣
高山遠逕黃冠

逝流水平沙白雁
飛舊國祇畱孤悵
在故鄉仍戀旅

魂歸西江久祀雙
忠廟俎豆春秋薦
蕨薇文丞相廬陵人公弋

陽人江右自元季建立祠宇塑二公神像春秋祭祀至今勿替嘗記家素江有擬雙忠廟琴詩一首曰文

謝遺音雨不亡舍宮嚙徵費吟腸無端又渡三江水特地來拈一瓣香俎豆尚存元代祀衣冠未改宋時

裝可憐鴉噪空祠宇梅不攜琴弔夕陽其氣體雜老杜西蜀弔武侯廟詩中莫辨附載于此以誌同感云

殘山賸水久銷沈
南渡淪亡餘此琴
杵白程嬰皆殉

謝琴詩鈔聯吟

松風草堂

國夢炎天祐浪知
音勤王未遂呼天
意望帝徒存捧

日心莫向西湖彈
往事六橋花柳怨
難禁

謝琴唱和集流傳
海內名作如林余
知難而退

久自藏其拙矣戊
戌季夏辱承素江
尊丈先生

寄示聯吟一編且
索和章次韻奉贈
卽請郢政

鹽官 朱蔚子藍

傳唱杭州與歙州
詞壇琢句未曾休
一編詩史遺民

錄萬壑松風故國
秋白雁竟符南渡
讖朱絃如訴北

征愁當年抱器閒
走爲戀慈烏雪滿
頭

擊鉢聯吟韻獨清
湖山嘯傲託昇平
早推季子能觀

樂況有夫人並築城謂琴慧夫人薄海風騷欣結社全家

翰墨盡蜚聲西冷他日扁舟訪定慰成連結契情

負笈從游事已非師門回首淚沾衣的應交重詩頻

和純以神行句欲飛乙酉之秋予入都門奉謁吾師

江丈謝琴原韻詩八首見示問以何者為佳子對曰

前詩就謝琴用意妥貼排弄猶人所能後四章脫盡

窠白純以神行敘交契之深情後詩殊尤勝也先生

歎賞以為知言明歲先生即歸道山典型徂謝屈指

十有三年矣茲於聯吟集中重讀遺詩回憶憮然曷勝梁木之痛

八首吟成珠在握

九招賦去鶴思歸知君雅抱人琴痛重展遺函露盥

薇

正聲終古豈銷沈呵護長偕信國琴曲譜神絃畱絕

響感深異代得知音西山蔬果捐軀節南國人材卻

聘心莫語趙家興廢事一彈再鼓恨難禁

戊戌夏五月禮闈報罷南旋詣武林奉訪素江

世伯於松風草堂出示謝琴詩一冊恭步元韻

四章誌感即呈海政

海昌 鄒 鵬子翼

驪駒疊唱別荆州南北相思渴未休青眼曾邀行李

色丙申入都蒙 公籌貲充橐素心誰賞爨桐秋三千路阻登雲望

廿四橋增落月愁深羨同年多捷足紅綾共宴曲江

頭乙未同榜者前科聯捷吳君沅洲嚴君子卿又本

科獲售沈君視農支君少鶴錢君崙仙童君薇視

胡君友山

洪君聽橋

謝琴詩鈔聯吟

松風草堂

四覽全

征衫乍滌軟紅清來權西湖盪漾平碧水青山迎畫
舫落花飛絮滿江城一庭梅雨調蟬韻半榻松風度
雁聲依舊春和融杖履草堂畱憩倍關情

前身明月是耶非修到梅花香滿衣綠綺同賡鴻案

耦丹青轉盼鳳雛飛謂德配琴瑟夫人及哲嗣新洲仁兄樽開北海思

瓊宴笏集東牀待錦歸令坦蕭琳邨孝廉供職教習將應選南旋一讀新

詩一擊節應將仙露盥薔薇

南渡茫茫蹟已沈延陵藏得謝公琴百年絕調成同

調千古遺音有嗣音焦處不妨經烈燄碎餘猶足驗

貞心停舟曾向西臺訪一樣高風感曷禁壬辰乙未丁酉三次

謝琴詩鈔聯吟

奉檄攝篆司鐸上江舟過七里瀧每登訪謝皋羽西臺

至堂 松風草堂 四頁十五

外舅新洲先生出示謝文節公遺琴命賦恭步

聯吟集中感懷元韻四首兼質春臺內兄印可

歙縣 潘遵源 養泉

誰把臨安作帝州鳳笙龍管一時休朝歌暮舞知何

夕殘梓枯桐閱幾秋楚調自悲還自泣哀音如訴復

如愁冬青故事重教演白盡梨園子弟頭用汪水雲憶王孫詞

中集句豫章蔣心餘太史著生作冬青樹記傳奇專演文謝二公故事嘗見集中有同邑礮溪方姻翁金昱字聚華號午橋東松風堂詩十二首中有一絕云雙琴聯詠出塵寰先有文山後疊山也似蔣侯新製曲卻教傳唱遍人間與此首收句意同辭異附錄于此以誌同感吳素江附識

悲歌似聽漁陽操擊鼓還如禰正平堪惜玉環沈異
域最憐金盃出佳城占爻日射垂簾影操縵風傳怨
徵聲莫奏南音追往事一弦一柱足怡情

爨桐烽火故宮非出塞三宮淚溼衣促柱自驚釵影
墮離絃誰遣鏡花飛寢園木脫鴉爭集禁苑梁空燕
自歸叩馬但嗟無二子首陽徒產蕨兼薇

六更聲斷漏沈沈國勢傾時有此琴龔勝拒餐同絕
調鉦夫推轂豈知音貪生祗爲思親計餓死終懸報
國心故自麻衣山店裏卜占身世兩難禁

素江親家寄貽謝琴聯吟一編索和然知是集

謝琴詩鈔聯吟

五

松風草堂

久已徵詩海內搜羅殆遍珠玉在前茲復徵及
下里殊難酬答時屆暮春之初修禊良辰適予
古稀生日辱承館甥繼宇明經自武林挈外孫
等不遠千里而來躋堂祝嘏親申言歡雖無曲
水流觴之勝亦足以暢敘幽情於是勉步元韻
四首塞責勿沾沾於琴聊以感懷紀事而已惟
是外孫輩年甫弱冠詩賦擅場見之得不晒老
筆之頽唐乎時在道光庚子上已後二日識于

磻溪懷樸堂之東軒

歙縣

方金昱

午橋

變姓劉洙脫潤州

吾歙鮑以文老人名廷博僑居桐鄉之青鎮藏書甚富嘉慶年間進

呈知不足齋叢書十三種蒙 恩欽賜舉人以光者
宿士林榮之廷博嘗從湖山類 稟校刊汪水雲詩集
二百餘首錄工精好中有文山丞相丙子自京口脫
去變姓名作清江劉洙今日相對得非夢耶其詩曰
昔年變姓走淮濱虎豹從橫獨愴神青海茫茫迷故
國黃塵黯黯泣孤臣魏雖張祿夢中夢越蠡陶朱身
後身今日相看論往事劉洙元是姓文人勤王未遂豈甘休松風颯沓青
原夜茶坂蕭疎碧漢秋賣卜定從天可問逃名應共

地埋愁韜藏故物詩兼畫何似丹青顧虎頭

松風草堂諸賢

投贈詩篇前有名人畫冊乃顧西梅布衣王椒畦孝
廉江石如明經及方外青雨上人等十餘人手畫裝
潢什襲並詩冊珍藏于草堂余家舊藏顧愷之爲謝
幼輿繪邱壑圖眞蹟程芑堂觀察見之詩值三千金
余不能割愛仍蓄于家子孫世守當與君所藏謝琴
並傳爲藝林佳話夫物以人重名以詩傳然則斯舉
爲不朽之盛業亦壽世之明證也歟

謝琴詩鈔聯吟

至 松風草堂 五言全一

高軒重過愧冰清依舊飛觴水鏡平塵榻久違懸別
業囊書多似擁層城沿溪一徑瞻魚樂傍戶雙柑聽
鳥聲此日正逢修禊好團圞猶說昔年情

七十頻增罕是非豈貪軒冕勝荷衣况經事去春將
去那更塵飛花又飛家塾課時仍小憩板橋吟處愴
忘歸敢矜艱下多文學欲讀新詩露盥薇

迢遞郵書慣杳沈嬾如叔夜廢鳴琴廣陵散絕猶餘

譜蕉氏秋淪空好音虎榜著名纔晚器鵬程奮翮始

初心功名半是前生定鬼見擲揄豈易禁

未用唐人蘇舜欽句

道光己亥秋聞謂季兒汝中金陵鄉試今科見黜旋
聞浙榜吾婿紹瀛之捷音博浪飛椎誤中副車故云

敬題故宋謝文節公遺琴卽步素江吟壇先生

原韻四律并祈教政

蕭山 陸秉鈞 鞠生

宋家南渡駐杭州不道偏安此便休故國祚移天水
碧孤臣運盡海風秋履霜一操寒宵慟衣雪單身逆
旅愁若說止錢真是識那堪果應五庚頭

大絃摧折小絃清何意寒潮羅利平三日駐師江不
浪一舟泛海國無城建陽賣卜甘棲隱唐石逃名變
微聲惟想宗家晞髮老西臺擊竹汝為情

掘到穿雲事太非塵壘琴畔上苔衣攜將曉綠草偏
發彈嚮冬青花更飛海北難填魚出聽江南易暖雁

謝琴詩鈔聯吟

松風草堂

知歸只今唯有神絃在一盞寒泉薦翠薇

臨安宮闕久銷沈祇賸通臣斷軫琴如彼二山都殉

節至今一器總諧音囊骸幸有孤兒力按謝疊山先生行實載公

四月初一至燕京初五日死於驛子定之護骸骨歸葬于州詳前詩註返骨無勞義士

心汪水雲詩集載文山道人畢王午臘月初九日

夷齊尚周粟死同巡遠只唐官雪平絕塞魂何往月

滿通衢骨未寒一劍故知公所欠要留青史與人看

載宋史載傳義士張毅甫號千按宋史載傳義士張毅甫號千若其文琴相對鼓忠

魂毅魄訢難禁

余別素江先生十餘載丁酉春日承郵遞謝琴詩

四首勉步元韻奉寄

蕭山 郭振聲 金門

臣力難支失信州臣心如擣幾時休棲身闕嶂誰同
調彈指商音便是秋斷軫有痕曾濺淚殘徽無緒益
增愁六陵岡下今攜過莫向冬青古樹頭

古音渺渺古風清閱盡滄桑感不平形比明珠投合

浦氣如寶劍出豐城整絃恰舞蒼梧影布指還疑落

葉聲琴曲名有梧葉舞秋風豈是伯牙畱絕響號鍾名號又移

情伯牙琴亦名號鍾

斂跡蒼茫去路非芒屨草屨與麻衣七條絃斷孤琴
在萬壘音含一鶴飛元兀崇山猶對峙洋洋流水不

同歸首陽獨調傳孤竹千古高風繼采薇

謝琴詩鈔聯吟

松風草堂
四百卷三

鳳凰城闕幾銷沈只賸孤臣爨尾琴灩灩西湖誰泛

櫂聲聲南雁總和音每懷吟侶論交感久憶江梅証

澹心萬里風塵慚俗吏故園歸計邈難禁時余仕雲南富民縣

知縣將及任滿欲擬解印作歸田之計故云

外舅新洲先生命賦謝琴詩茶步集中懷古元

韵並質春臺內兄同硯

歙縣 潘世傑 菊莊

攄梧懷古在茲州南渡遺臣怨未休山鬼嘯臨江畔

曙水仙吟徹海邊秋水仙吟琴曲名借用紅兜僧起穿雲破西僧

戴紅兜帽楊髻發理宗陵盜穿雲琴白雁霜寒落月愁回首西湖教歌

舞笙簫依舊畫船頭

招募鏖兵肅氣清
蟲沙化去憤難平
建陽賣卦匿居
市鄧社團師悔
陷城家國亡
時無活計宮商變
處有
哀聲縱耽泛海成
連志九死難移
故主情

北去金臺路
總非黃塵黯黯
泣征衣
賓鴻冒雨雲間
過驛馬追風
塞上飛
彈到平沙
驚鶴返聽來
流水應

龍歸

相傳文丞相爲冷
水潭應龍記生

得回南國公
知否散髮行歌

自采薇

未句用唐
人秦系詩

立馬吳山久
陸沈松風吹
雨又鳴琴
三千里外傳遺
蹟五百年來
賸楚音一代
文山雙絕響
千秋孤竹兩
知心夜深寂
寞休輕鼓披
髮頎然恐不
禁

謝琴詩鈔聯吟

李

松風草堂

松風草堂謝琴聯吟目錄

附末

古歛 張尙玉 琴慧和韻七律四首

吳景潮 同室琴慧疊韻聯句七律四首

同室琴慧 子紹瀛 甥蕭國祥疊

又紀事 疊韻七律四首

紹瀛 繼宇 一字新洲 五律二首 七律二

承熙 春臺 同室潘氏 瑞慶聯句 步韻 七律四首

又同從兄承沛聯句七律四首

又同妹瑁潘世傑聯句三疊前韻四首

謝琴聯吟

目錄 附末一

松風草堂

又四疊前韻 七律四首

和韻四首

片序

古歙女史 張尚玉

琴慧

家藏文節之琴詠徧名賢之句韻諧桐梓價重
球琳卽紅閨道韞之才多黃絹幼婦之作凡諸
著述咸授棗梨庶幾忠毅精靈足垂不朽藝林
佳話以永其傳夫子繼題四律通都屬和多人
別編一集名曰聯吟惜無班鮑之才共鬪尖叉
之韻遂忘淺學勉步後塵敢希琴瑟之同聲良
媿唱隨之樂事匪計工拙聊附風雅云爾

漫說杭州與汴州鳳笙龍管蚤知休臣心尚譜烏啼夜
國事全乖雁唳秋厓海茫茫東向淚燕山黯黯北征愁
曹娥江上毋輕奏爲有殘碑立岸頭

謝琴詩鈔聯吟

附末一

松風草堂

四百零一

降表誰書謝道清孤臣抱恨慕君平只偕老母籌三窟
那顧全家困一城避世定愁驚鶴語垂簾應怯捕蟬聲
卽今絃上酸風急猶似當時述播情

哀歌同感不知非肯把緇塵浣素衣海上白鷗還自殉
夢中朱鳥傍誰飛彈經卜肆聲何在攜伴徵車誓不歸
一旦摧絃甘絕粒至今人重首陽薇

宮移羽換未聲沈忠佞須分判此琴供奉水雲同絕調
庸奴天祐豈知音縱耽烈女箴篋引難譜遺民鐵石心
合向孤山彈夜月梅花修到任寒禁

聯句四首

戊寅春日泛湖游葛嶺歸夜與內子琴慧對鼓

文節遺琴並誦諸君賜和之作各臻其妙因同

內子聯句仍疊前韻 古歛吳景潮識

平章敗北走揚州 素江 半壁東南事已休獨有謝文同

一調 琴慧 尚留桐梓各千秋想經采石憑揮涕 素江 定

抱嘉禾與訴愁 建陽亦名嘉禾 卻恨笙歌喧不夜 琴慧 西湖鐙

火五更頭 素江

英風寒徹小絃清 素江 落指泠泠怨未平夢斷六陵惟

蔓草 琴慧 心傷五國總愁城似將北徙南冠恨 素江 都

謝琴詩鈔聯吟 附末二 松風草堂 三百七十七

作悲商怨羽聲攜向鳳凰山下過 琴慧 最難移是故宮

情 素江 後人有擬公 過故宮詩悲涼欲絕

禾黍油迹已非 素江 尚遺斷軫繡苔衣穿雲忍見紅

兜竊 琴慧 西僧皆戴紅兜帽穿 雲琴楊髻發理宗陵得之 落月重彈黃鶴飛 汪元

離再彈黃鶴飛 萬里飢驅甘北死 素江 一錢詩餞不南

歸腥風七載吹柴市 琴慧 和徹零丁和采薇 素江

匿名易服願淪沈 素江 物色重尋爨下琴文海枉勞頻

薦剡 琴慧 忠齋畢竟未知音揮絃自灑新亭淚 素江 譜

曲誰憐故國心閱盡滄桑無限感 琴慧 旅愁危涕兩爭

蔡 素江 唐彥謙句

疊韻四首

庚辰春草堂無事琴書相與無虛日偕內子理

琴時瀛兒從旁審曲蕭壻習詩新得津梁於是

四口同聲疊韻成章聊以寄興 古歛吳景潮識

兵機誤國賈循州 素江 魯港三軍夜半休 琴慧 精衛有

靈空蹈海 紹瀛 鞠通無恙自悲秋 國祥 調絲不散窮途

恨 素江 譜曲惟銷逆旅愁 琴慧 誰識佯狂東嚮哭 紹瀛

淚傾如雨驛橋頭 國祥

聊託鳴琴韻自清 素江 升沈何必問君平 琴慧 少師遇

後知瀛國 紹瀛 元量歸來認舊城 國祥 曾有淚時彈古

謝琴詩鈔聯吟

調 素江 於無人處得哀聲 琴慧 傷心隱僻荒庵裏 紹瀛

猶睹桃花隔世情 國祥

難對降臣辯是非 素江 抱琴久已遂初衣 琴慧 吟來唐

石山花落 紹瀛 彈向江頭木葉飛 國祥 磧北水寒魚出

聽 素江 閩南春暖雁知歸 琴慧 此心莫問新朝粟 紹瀛

只道荒山儘有薇 國祥

南渡笙歌久渺沈 素江 憫忠古寺有遺琴 琴慧 猶彈別

淚和鄉淚 紹瀛 似聽商音雜梵音 國祥 斷軫獨埋亡國

恨 素江 危絃空繫故園心 琴慧 玉亭他日尋荒塚 紹瀛

宿草蕭蕭意不禁 國祥

附末三 松風草堂

余徵刻謝琴詩自乙亥至癸未九載於茲今春梨
東告竣而年來海內名流同詠是詩者凋謝過半

晨星宿草之悲其何能已爰賦同韻四章兼感懷

以紀事聊誌始末云爾 古歙素江吳景潮識

疊韻酬章遍九州裁詩老去擬湯休寒鐙照雨頻刪藁

衰鬢吟風慣畏秋賴有爨桐傳逸響豈無佳句弔清愁

少微星隕詞壇古更讓何人出一頭 余編刻謝琴詩初就正於家穀人祭

酒今先生已歸道山五載矣

年將六十耳音清萬感心灰意氣平垂老未堪彈別調

醉吟聊可破愁城零徽斷軫詩千首賸水殘山雁一聲

謝琴詩鈔聯吟

附末四

松風草堂

底事衡文李長吉分題校士太深情

李芝齡侍郎視學浙江見賞琴詩嘗

以漢宮人吹洞簫賦宋謝疊山琴歌命題故末句及之

踏遍青鞵路易非又來湖畔澣征衣人如野鶴綠堤立

身似閒雲出岫飛明月少留懸榻待梅花多處得詩歸

何時更約清狂客煮石同燒礪底薇

辛巳冬鮑學生學士省墓南歸時遊

天台石梁返杭過宿余家既而遊巖西湖之水月樓又於風雪中泛舟桐江探九里洲梅花洲上植梅卅萬本為古來甲觀先生對花吟興劇豪一時浙中傳為佳話後來紀事者當不讓趙氏羅浮張家玉照擅美於前已

何勞惆悵感升沈物換星移賸此琴老輩漸凋誰顧曲

寒閨仍健數知音捫來語少憑伊訴徵得詩多愜我心

縱使虛名終不滅洛陽紙價貴爭禁

校梓成書囊贊竭盡力不逮矣

補亡詩四首

余疊韻至二十餘疊之多幸免雷同茲復用原韻以紀事

補亡者循彼南陔之意也予省墓嘆息人生奄

忽長逝情何己已惟願子孫世守先塋畱意墓

址界限故註中不嫌煩贅欲使汝曹歷歷可考

毋為勢家所奪也 七十老叟素江吳景潮自識

生平從事厭青州飲但濡脣意便休杯酒禦寒聊遣夜

松楸入夢遽驚秋

嗚呼先君自嘉慶丁卯年秋七月廿六日見背至道光五年始與先妣張

太安人合葬非敢緩也蓋因西湖南北兩山及橫山之

桐鳴臨平之阜亭山遍處覓地無所適從後得黃泥嶺

之地顧覺四圍山勢匝掘地土色紅黃氣蒸蒸焉信

為吉壤來觀者無不羨美於是安葬先黃氣蒸蒸焉信

永為寔安之所是日沈聽篁太史燦鹿來送葬並書黃

泥嶺之麓治葬子吳景潮卜吉謹扞泐石於墓旁至今

謝琴詩鈔聯吟

附末五

松風草堂

不孝悌感勿諉趨庭最近重泉慰廬墓猶親隔世愁咫尺瀧岡

瞻望處不須遙往別山頭 既安葬先人之明年輒得普

而今之遽易耶固非人力所施似有神助豈非仰藉先

靈護佑安能隨手而得佳城乎其次得天馬山之地名

曰飲馬奔槽形為輶二孫營建壽壙異日伯仲合壙之

舉其次又得慎餘山之地名曰蜈蚣形先葬亡媳方氏

一棺左右空畱二椁為兒媳日後寔安之所先是余於

普生廬嶺頭預築生壙鄰近先人之墓依脊戀餘闕以從

先人於九京也吾嘗審青鳥之學視黃泥嶺為月桂峯

落脈一起一伏申插跌宕而來至普福嶺過峽劈

分一小枝為迴龍顧祖所謂地脈相聯一氣相通而得

眼牛數弓之地預成壽藏以待終年豈非人之子之幸歟

。按西湖志載宋朱少章弁墓弁以建炎元年使金拘

畱下卽今之黃泥嶺也地為其從蘇武相將歸卒葬厝脂

墓前立有鉅碑額其忠節與蘇武相將歸卒葬厝脂

監生邵志錕墓石其中讚語字跡模糊後有無錫秦瀛

識于碑陰等字阮芸臺相國元撫浙時于墓址之前建
碑泐曰宋通問副使吾人朱公神道嘉慶六年辛酉九
月立于黃泥嶺之麓吾先人之墓與前代名賢墳塋為
鄰亦所欣幸且祗隔一隴相去數武之間故附載于此

茅家埠口景餘清一杖輕攜一徑平好傍湖山圖別墅

免教兒女築佳城茅家埠為天竺進路距普福嶺二里

咸淳間建眉山家之巽為記元趙孟頫書宇額內有

芝雲堂綠筠坡錫杖山葛仙井辟支塔瑞岡字蓮池

藥澗橋諸勝吁嗟滄桑屢易寺基久廢化為邱墟今止

存普福茶亭而已向供關帝僧悟明又募建地藏殿後

文昌殿上有觀音閣拜經樓奎光返照等勝余每詣黃

泥嶺省墓以此為息駐足之所寺旁尚有餘地擬建

墓廬為泰伯祠但工程浩繁有志未逮惟望後來同志

者相助庶得竣其事耳僧悟明篤實釋子也卒後葬于

寺左其徒孫正六橋煙柳迎眸色九里松濤貫耳聲普

修經理其後事

嶺山後即謝琴詩鈔聯吟附末六松風草堂

九里松

光弼墓在棲霞嶺下張名昱廬陵人元時官左司員外

郎明初被徵以老病辭隱湖上別號可閑老人著有詩

集二卷自為志銘末附敘畧云光弼營壽藏于西湖嘗

曰吾死理骨西湖題曰詩人張某之墓吾願足矣其後

果如所言又厲樊榭鸚鵡贈韓怡園句云梨花萬樹營
生瘡自說他時葬白雲此意先得吾心故以誌吟感

七秩筵開感昔非鬢幡猶記臥牛衣余于乾隆甲寅悼亡已傷雁

序隨雲散余上有兩兄皆不幸早世復悼鸞驂判鏡飛元配方孺人暨陳朱七姬

及亡兒紹康附葬

黃泥嶺先人墓側慶有雲仍剛四代曾孫鴻鈞甫七齡共子一堂四世

居無臺榭後三歸笑他陌上遊春女不唱歌唱采薇

正聲萬古不銷沈況有同人詠謝琴舊雨半凋稀賞曲

寒閨多病恰知音謂丙子琴慧明歲周甲近常多疾病悼亡已述潘安志

追感猶存束皙心憶昔星霜悲岵岵池塘夢杳總難禁

題蝦蟹圖四首

仍用謝琴聯吟原韻

古歛 吳景潮 素江

謝安薨後慟西州遺墨猶留感未休蟹舍漁村成小隱
葦灣荻港占高秋叩扉已灑羊曇淚別酒難銷子美愁

惆悵雲煙空滿紙唯餘黃鶴噉沙頭老杜王閬州餞筵奉酬十一舅惜別之作其詩有云浮舟出郡郭別酒寄江濤吾舅惜分手使君寒贈袍沙頭暮黃鶴失侶亦哀號

歸帆夙昔渚波清路入溪山浪轉平賀監衰遲還故里
曼卿磊落駐蓉城昔吾舅鬚眉半皤于嘉慶壬申九秋從嘉定抱沈病泛棹歸里路出杭州

梳子歛歎而別旋卽下世傷已風回蘆岸春無迹雨滴篷窗夜有聲江
上冥濛留畫本披圖根觸渭陽情老杜送舅詩云氣春江上別淚血渭陽情

江鄉如繪似耶非脫卸蓑衣更芟衣畫入蟹爬沙際落
謝琴詩鈔聯吟 附末七 松風草堂 五百九十四

書成雁陣望中飛王沛雨翁觀余苦吟意盡續此一聯柳邊密網撈蝦去
花外輕橈載酒歸漫說漁樵無別嗜釣竿拋卻摘芳薇

墨湧蒼波跡未沈聽風聽雨挾鳴琴米家畫舫新添譜
坡老焦桐孰賞音維揚故家藏有蘇文忠琴一張云是元祐四年七月東坡在杭州所書趙晉齋明經拓圖寄詢真贋昔與先母舅言辨其非妙筆寫生無敵手苦吟含蘊

有同心從今秘閣藏遺澤鄭重兒孫感不禁

右題遺墨冊子乃吾先母舅六亭先生手筆先母舅諱銖字存中世居歙邑定潭張志和之後裔僑寓膠城地徧境靜擅煙水菰蘆之勝工詩善畫屢爲名流鑒賞嘗寫蝦蟹圖自娛緣弗自收拾家藏絕少是圖爲妻東楮紳家珍藏其孫棫堂訪知先人手澤刊諸

傾囊贖歸攜至武林徧求題咏他日見此採入畫徵錄庶幾吾舅之畫名藉以不朽云爾甥吳景潮敬跋

附作

古歎

吳紹瀛 新洲

家藏謝文節公遺琴徵詩海內四方名彥投贈

詩篇無體不備編成大集文鈔一卷詩鈔八卷

聯吟一卷於是家大人命作聊以附末焉

蹈海吞聲哭孤臣欲斷腸死生惟社稷桐梓亦蒼涼棄

置曾與國漂流又建陽卽今絃響處猶似怨平章

卜硯傳觀久

公橋亭賣卜研今寶藏津門查廷尉處名入多有題詠

今看琴尚存

持將兩神物相繫一忠魂槩木心無緒殘徽淚有痕鷗

波亭上曲媿殺趙王孫

再賦長律二首

謝琴詩鈔聯吟

附末八

松風草堂

四晉四十六

江南畢竟少人材羅刹濤平白雁來賸水殘山空咽恨

鳳笙龍管盡成灰紅兜僧起琴還在茶坂風高曲更哀

猶有忠魂繞危柱夜深披髮傷琴臺

摩霄一鶴鍛霜翎獨抱哀絃怨窈冥昇榻有人甘北面

穆陵無鬼哭冬青桃花庵裏依稀見

公避匿閩中有慶全庵桃花一絕云

尋得桃源好避秦桃紅又見一年春花飛莫遣隨流水怕有漁郎來問津 梧葉聲中斷續聽

見瀛國 記取重山深著意摩挲今復認題銘

錫山秦小峴先生好古博物素推人望客冬家大人拓文節琴銘寄詢真贋先生見而咤曰噫真文節物

也蓋以銘辭首二言爲文節隱寓自況之意云爾後閱一統志載江西廣信府北八十里有重山文節嘗

讀書其下因號疊山乃知先生之說洵不誣已詩中末句故并及之丁酉秋九吳紹瀛謹識

步韻四首

古歎 吳承熙 春臺

家藏文節遺琴詠偏名賢詩句家大父命同細

君潘氏瑞慶聯句次韻成章錄呈誨正

西臺晞髮慟嚴州承熙謝臯羽自號晞髮道人西臺在七里龍興嚴陵鈞臺對峙千古

自繫南冠死則休殉節祗追柴市後瑞慶公盡節在文信國七年後

哀音猶繞故宮秋殘徽斷軫孤臣淚承熙海闊天空帝

子愁若使斯琴江外鼓瑞慶憤風捲起怒潮頭承熙

四壁絲桐分外清承熙賞心仍對竹牀平文山琴共為

雙璧瑞慶道光丁酉夏日桐城家晉齋參軍廷康過草堂貽贈文信國琴圖復手拓謝琴圖百張遍分

諸友謝氏圖看擁百城迹跡縱埋驚鶴影承熙垂簾怕聽

謝琴詩鈔聯吟附末九松風草堂

捕蟬聲只今譜入思親操瑞慶猶似當年烏鳥情承熙

懲姦嫉惡久彈非承熙忽見冬青淚滿衣已覺履霜驚

葉落瑞慶更聞流水遺花飛履霜流水畫圖省識呼猿

集承熙宋人有擬畫百猿圖後果伯顏至華表空疑元代典蓋猿元同音方知斯識之早成已

化鶴歸一去燕臺不復返瑞慶祗應老卻故山薇承熙

鐵函心史未銷沈承熙見說文琴與謝琴同調况彈風

雨夕瑞慶轉絃又作珮環音茫茫天水勤王志承熙落

落松風報國心文信國公遺琴有景安元年蒙恩召問夜宿青原寺感懷之作其詩曰松風一

榻雨蕭蕭萬里封疆不寂寥獨坐此曲好憑歌正氣瑞

瑤琴遣世慮君恩猶恐壯懷消承熙海枯石爛詎能禁承熙

余從兄承沛遊學武林於家塾朝夕共筆硯因疊

前韻聯句四首以証同心云爾春臺吳承熙并識

絕粒禪關似沃州承熙高僧隱處借用沃州晉羈身古刹此生休公

入燕即不食殉節於潤忠寺饑魂仍戀廣陵散承沛壑相徒慚蕉氏

秋穉柳嬌黃臨御政承熙芙蓉漾碧入邊愁玉亭欲薦

攜琴往承沛憑弔蒿墳踐隴頭承熙按元集賢學士李源道撰公神道碑葬

其鄉之玉亭門人諫而題曰文節先生之墓高風猶繼聖之清承熙南渡夷齊耿不平遍野已無乾

淨地承沛浴江唯有受降城獨憐敏仲招同志承熙宋侍郎

毛敏仲見元兵將入臨安援琴乃作樵歌一曲隱去以招同志謝琴詩鈔聯吟附末十松風草堂

祇應追信國承沛松風吹雨不勝情承熙

阿刺來歌世已非承熙至正直記文丞相入燕聞軍南人不復興矣揮絃猶自裹麻衣紅羊浩劫蒼茫見承沛白雁

平沙慙亂飛披髮恍從空際下承熙餓骸仍作弋陽歸

斯琴未碎長安市承沛好辨清商奏采薇承熙

庭栽荆樹碧沈沈承熙幾度花開露滴琴曉遞綠陰傳

逸響承沛夜聞香影發清音奇文共賞搜陳迹承熙古

調同聽樂素心卻憶聯牀風雨夕承沛夢回池草思難

禁承熙

聯句四首三疊前韻古歛吳承熙春臺

妹婿潘世傑 贅姍甥館與予同筆硯徧讀詩鈔

根觸吟懷爰疊前韻聯句四章以樂同心云爾

一劍霜寒十四州承熙 全唐詩話載僧貫休以詩投

寒十四州鏐諭改爲四十州乃可相見曰州亦難

添詩亦難以閒雲孤鶴何天而不可飛遂入蜀 貫休

才調幾曾休當空海月魚龍夜世傑 搖落江楓鴻雁秋

斷軫祗埋亡國恨承熙 哀絃惟繫故宮愁長安縱有遺

琴在世傑 肯向黃金臺上頭承熙

一縷餓魂蕩太清承熙 琴心終古怨難平履霜孤操寒

侵骨世傑 落月千峯遠照城忠孝兩全完勁節承熙 宮

商都作斷腸聲只緣老母頽齡在世傑 敢戀慈烏反哺

謝琴詩鈔聯吟

附未十一 松風草堂

九十二年愛日非承熙 用鮑侍郎桂

衣揮將貞白絃摧斷世傑 彈落冬青花亂飛天際忽驚

披髮降承熙 首邱終見護骸歸公殉節於燕子定之護

中死生早定千秋志世傑 何用旁人說采薇承熙

心史何曾井底沈承熙 塵埋又出謝公琴松風驛宿應

同調世傑 有坂僑居定賞音朱鳥魂依孤館夢承熙 黃

冠人老故園心草堂慣癖耽詩句世傑 三疊吟哦意不

禁承熙

四疊前韻

古歎 吳承熙 春臺

予既同內子唱隨聯句敢希琴瑟之同聲復偕

從兄承沛妹婿潘世傑趁韻聯吟諸作已授梓

矣意猶未盡今又四疊前韻聊志始末云爾

桑乾渡口份幽州自昔徵材跡未休碣石禮賢空築館

招提言宿只悲秋歌流易水衝冠怒彈近燕山躡履愁

怕聽興隆笙管調白翎飛舞殿西頭

一自厚霄夏籟清五音和更八風平遙知驚鶴琴邊思

只在芙蓉海上城用張翥詩意其詩云遙知別鶴離鸞思只在芙蓉海上城相傳石曼卿死

為芙蓉城主賣卦尚習周易說垂簾猶聽爨桐聲蒼茫身世

誰同調惟感殷墟遜客情

謝琴詩鈔聯吟

附末十二 松風草堂

披髻早詆相公非久罷簪裳換素衣忍見蒼山黃葉落

遙瞻親舍白雲飛洋洋流水心隨往渺渺征鴻目送歸

一去冰天雪窖裏故山不待長新篴

官涼半壁久銷沈南渡准畱謝氏琴猿嘯自磨空谷響

鵬啼誰曉洛陽音嵇康贈別原無匹秀才嵇熹為叔夜之兄嵇康有贈秀

才入軍三首贈別潘岳閒居合有心謂妹婿潘世傑妹倩哲兄

兼唱和填簾雅奏樂爭禁

附載原跋道光戊戌春書於草堂回憶曩時哲兄久居鄉井妹婿遠隔姚江時湖光在目柳色牽腸不勝

停雲之感今則聚首一方抗言共覩常與素心人晨夕論文况復明窗淨几唱和聯吟足徵賞心樂事也

松風草堂謝琴詩鈔聯吟卷末

男紹瀛校字

